

遼史紀事本末

遼史紀事本末卷九

馳對資政大夫特賞內閣中書前江沔峽江訓導萍鄉李有棠編纂

太宗嗣立

太祖天贊元年冬十一月壬寅命皇次子耀庫濟原作

去骨攷異宋白云本名耀渠芝亦作耀屈之王溥五代會要作曜屈之爲天下兵馬大

元帥畧地薊北本諱德光字德謹母舒嚕原作后唐

天復二年生生時黑雲覆帳神光異常獵者獲白鹿

白鷹人以爲瑞攷異宏簡錄云生時火光燭天有聲如雷諸部異之及長雄傑

有大志貌嚴重而性寬仁軍國之務多所取決尤爲

舒嚕后所鍾愛至是始奉詔統軍得專征討焉歐史云德

光素有智勇服其諸部事母述律甚謹后切愛之攷
異方輿紀要云德光生於龍化州東本東樓地阿保
機春月行帳多駐此穆宗因建爲降聖州統永安縣
金廢地理志云州號開國軍應天后嘗於此夢神人
金冠素服執兵仗貌甚豐美異獸十二隨
之中有黑兔躍入后懷因有娠生太宗

二年春正月丙申大元帥兵克平州獲刺史趙思溫
裨將張崇 夏四月癸丑詔大元帥攻幽州軍城東

晉節度使符存審出戰敗之擒其將裴信父子數十

人閏月庚辰抵鎮州拔曲陽下北平五月戊午師還

攷異編目云唐莊宗同光元年閏四月契丹圍幽州
歐史存審傳時晉與梁相持河上欲發兵兵少欲勿
發懼失之莊宗問諸將存審以爲當救乃遣赴援卒
擊走契丹正天贊二年事未云存審兵敗今從太祖
紀耶律圖魯卜傳時耀庫濟爲大元帥圖魯卜爲副
既下北平至易州易人來拒踰濠而陣李景章出降

言城中人無闕志大元帥將收攻具圖魯卜諫曰我
師遠來疲憊不可久留乃止軍還太祖嘉之賜賚優
渥紀未載按易州爲高陽故城在今易縣南易水所
里與地廣記云漢故安縣故城在此隋置易州兼立
出燕太子丹送荆卿入秦祖道於此隋置易州兼立
黎郡尋改上谷郡唐爲易州又爲上谷郡四易縣
漆水滿城玉田戴銑易州志云黃金臺於此通典云歸義
四十里昔燕昭王師事郭隗築臺於此今縣南十八里
縣漢易縣地公孫瓚於此置易京在今縣南十八里
又有巨馬水唐舜卿涿州志云重唇魚惟巨馬河有
之周密癸辛雜識云易州在保定府西卽郭藥師起
兵處在易水北州東南有故城號燕子城卽郭元龜
云劉昫涿州人唐末契丹陷其郡昫被俘至新州逃
歸隱居上谷大甯山在易州城西五十里有大甯
寺見明一統志五華樓在易州城西五十里有大甯
聖宗嘗御此樓書刺史高質監趙質姓名於西壁
林焜章易水志云福感寺在州東里許遼統和末建
上中下靜覺寺在大甯山遼大安二年建潘自牧記
築淵海云三臺城在容城縣境昔燕魏分易水爲界
築三臺以耀武圖魯小原作突呂不官至檢校太尉

卷九十六蕭約音努傳六世祖
奚六部常袞突呂不另一人

三年夏六月乙酉太祖親征托歡

原作吐渾黨項準布

阻卜等部詔皇太子監國大元帥以兵從行遂破伊奇

哩

原作于厥里

諸部定河壩下山西諸鎮取回鶻單于城

踰流沙盡取西鄙各部東西萬里所向有功

四年春二月丙寅大元帥率兵畧黨項獻其俘

攻異國魯

卜傳時從大元帥爲先鋒伐黨項有功太祖犒師水
精山大元帥東歸圖魯卜留屯西南部復討黨項多
獲而還

冬十二月乙亥大元帥從征渤海圍扶餘

府

天顯元年春正月庚申國兵攻破扶餘城誅其守將

天元帥兵進圍輝罕

原作忽汗

城大譴請降復叛圖魯

下先登攻克之改爲東丹國命皇太子爲人皇王主

之班師夏五月辛酉南海定理二府復叛大元帥討

平之

攷異圖魯卜傳渤海平承詔銘太祖功德於永興殿壁班師已下州郡往往復叛從大元帥攻

未載

秋七月丙辰鐵州刺史衛鈞反大元帥攻之

拔其城是月師次扶餘府太祖崩舒嚕后稱制大

元帥討平諸州奔赴行在人皇王繼至九月丁卯太

祖梓宮至皇都權殯於子城西北冬十月盧龍節

度使盧國用叛降唐

攷異契丹國志云時文進守平州唐遣人說之以易代之後無

復嫌怨而文進所部華人皆思歸乃率其衆十萬歸唐綱目及通鑑同史作國用異薛史云十二月詔賜

遼史紀事本末

卷九

三

文進及將吏四百人鞍馬錢幣有差授文進太尉平
章事時明宗卽位之明年遣使上表曰頃以新州團練
餘衆來奔行及幽州先遣使上表曰頃以新州團練
使李存矩提衡郡邑掌握恩威虐黎庶則毒甚於豺
狼聚賦斂則貪盈於溝壑人不堪命士各離心臣卽
拋父母之邦入朔漠之地幾年雁塞徒向日以傾心
一望家山每銷魂而斷目李卿之河畔空有怨辭
石季倫之洛中莫陳歸引近聞皇帝陛下皇天眷命
清明在躬握紀乘乾鼎新革故始知大幸有路朝宗
便貯歸心祇同良會臣十月十日決計殺在城契丹
取十一日離州押七入干車乘領十五萬生靈移四
日已達幽州將泊長興中出鎮潞州清泰中改安州
鄧州入爲上將軍長興中出鎮潞州清泰中改安州
及晉與契丹結好不興安天福元年十二月渡淮奔
金陵歐史云晉天福二年正月文進時爲安遠節度
使叛降於吳授宣潤節度使於金陵馬令南唐書
云文進以晉天福元年冬送欵於烈祖拜天雄統軍
鎮宣潤游南唐書云文進少事契丹娶其公主爲
平州刺史鎮上黨時幽州高越精詞賦有文徵爲掌
書記文進仲女有才色稱女學士因以妻之文進奔

吳與之俱爲秘書郎保大初文進卒有欲傾其家者
越上書訟之坐黜後至時卒官戶部侍郎釋文瑩玉
壺清話云文進卒時年八十二其日星隕於寢大如
杯文進噓赤光丈餘與星接吳任臣十國春秋云文
進送欵前殺行軍司馬馮知非副使杜重貴歸烈祖
居數鎮政績甚美潤州大火使馬步救之益熾文進
怒自出斬馮步使傳聲火止人皆異之封范陽郡王
兼中書令忤馮延巳死後誣以陰事盡收諸子欲籍
其家賴高越教免越字冲遠舉進士與江文蔚齊名
稱江高節南交兵書詔多出其手卒諡穆兄子遠冲
淡有高節官勤政殿學士撰烈祖實錄二十卷與徐
鉉喬匡舜潘佑共成吳錄二十卷又撰元宗實錄十
卷編輯昇元以來故事爲一家言見陳霆唐餘紀事
贈給事中諡良鉉字鼎臣會稽人長與韓熙載齊名
稱韓徐官右丞左僕射知內史事入宋歷常侍與湯
悅撰江南錄著文集三十卷及稽神錄弟鐸字楚金
愿集賢殿學士與鉉齊名稱二徐卒諡文熙載字叔
言北海人後唐第進士入南唐歷中書侍郎承旨卒
贈平章事文蔚字君章建安人官翰林學士有直聲
匡舜字亞元高郵人官刑部侍郎佑幽州人官內史

遼史紀事本末

卷九

四

舍人上書論時政與李平同時被殺平本姓
名楊訥少爲嵩山道士官衛尉卿判司農寺
十一

月殺南院額爾奇木原作夷耶律廸里原作等東丹

建國註中

二年秋八月治祖陵畢冬十一月壬戌人皇王率羣

臣請於后曰大元帥勲望中外攸屬宜承大統后從

之遂卽位是爲太宗語詳東丹建國事中攷異是年卽唐明宗

天成二年綱目於是秋書契丹與唐修好歐史亦於

九月十一月兩書契丹使梅老來又以名馬聘唐并

求碑石爲阿保機刻銘明宗遣飛勝指揮使安念德

報聘薛史云九月契丹使美稜瑪古等朝貢十一月

王錦綺銀器等并賜其母繡被瓔珞史均未載

三年太宗不春三月乙丑唐義武節度使王都遣人

以定州來歸唐帝出師討之使來乞援詔遣奚圖哩

原作秃里攷異搭拉原作鐵刺攷異薛史作塔納通

綱目作秃餒搭拉鑑作託諾死在四年按神冊六

年存勗引兵趨望都遇契丹託諾或係一人通鑑輯

覽作託輝又卷五大同五年歸鐵刺籍没子孫另一

人往援之夏四月丙申塔拉敗唐將王晏球字瑩之洛陽人

初爲杜氏養於定州唐兵大集塔拉請益師攷異東

子從姓杜於定州唐兵大集塔拉請益師都事畧

云李處耘父肇時爲軍校討王辛丑命特哩袞原作

都契丹來援力戰死紀未載辛丑命特哩袞原隱

編爾璉原作涅都統察喇原作查刺攷異通鑑輯覽

輝祖遼史同名錄云卷十六聖宗開泰九年使宋卷

二十一道宗小字卷二十三太康三年室韋部人左

箭大將軍又護衛太保卷二十八天祚天慶七年南

京統軍都監卷九十六耶律仁先傳小字卷一百耶

律章努傳父八赴之秋七月塔拉率兵復與唐將王

人同名查刺赴之秋七月塔拉率兵復與唐將王

意史記真本末卷九

五

晏球戰大敗死之納爾琿察喇等數十人被執晏球

克定州王都舉族自焚死攻異歐史云天成三年正月契丹陷平州四月王都

反五月禿餒前刺等救定州為晏球敗於曲陽復遣

惕隱赫遜助之敗於唐河赫遜走幽州為趙德鈞擒

定州破明宗斬禿餒等六百餘人救赫遜選壯士五

十為契丹直八月執契丹首領和敏薛史云正月契

丹使托諾巴摩哩貢獻帝遣指揮使奔托山押國信

賜契丹王妻四月契丹上書求樂器五月托諾領兵

三千救定州晏球敗之於曲陽六月德鈞奏殺契丹

千餘人於幽州獲馬六百匹七月晏球大破契丹於

唐河北追至滿城復敗之斬二千餘級獲馬千匹進

至易州擒獲甚衆八月德鈞邀殺敗黨數千擒特里

袞等五十餘人會秋雨泥濘餘衆多為村民毆殺唯

奇峰嶺北有馬潛遁脫者數十餘無噍類帝致書諭

其本國張希崇以平州降明年二月克定州生獲托

諾等二千餘人磔托諾父子於市先是晏球分符彥

卿高行周為左右翼大敗之於嘉山下追襲至城門

定州圍久都將馬讓能以城降都好聚圖書藏

萬卷名畫樂器皆四方之精妙者及敗府庫妻孥一
夕而燼王溥五代會要云晏殊獲契丹絹書二封來
進羣臣莫識其文字番蔣六百皆赦之惟首領吉趙
實自京遁歸至深州捕斬之殺圖奈等二十餘人綱
目云禿餒萬騎救定州爲晏珠破拔西關城爲行府
契丹陷新州殺趙州刺史朱建豐且兩敗均在曲陽
紀載各殊冊府元龜云都鎮定州臨戎數年惟
務殘虐周元豹見之曰形若鯉魚難免刀几

以師出非時甚悔厚恤戰沒將士之家

攷異契丹國志云八月契

丹遣使如唐薛史云閏八月契丹遣使來貢獻史均未載

冬十一月辛丑太宗自

將侵唐聞唐使來聘問左右皆曰唐數遣使來實畏

威也未可輕舉觀釁而動可也次杏塢唐使至遂班

師時人皇王在皇都詔遣耶律伊濟

原作羽之遷東丹

民以實東平其民或亡入新羅女直者倘困乏難遷

許上國富民給贍而隸屬之升東平郡爲南京以居

人皇王

攷異皇子表是年第四弟雅爾噶救耶律沙於定州爲唐所獲至石晉時始得還太祖宮

人蕭氏

生字達年官特里衮二子廸里希達皆知名

紀未載宏簡錄雅爾噶作牙里果廸里作敵祿官南

府宰相希達作希
低官北院大王

四年秋九月庚午如南京癸巳至南京冬十月庚戌

大閱六軍詔皇弟魯呼

原作李胡

帥師趣雲中討郡縣之

未附者

攷異歐史云天成四年四月契丹寇雲州癸丑使掠括梅老來求禿餒殺之契丹時稱雄

北方定州之敗喪其萬騎又失名將及奚欲奔唐遂

卑辭厚幣求歸諸人唐輒斬其使不報中國之威幾
振薛史云四月遣紐赫美稜等來朝稱
取托諾等骸骨並斬於北市史均未載

五年春正月庚午魯呼拔寰州 秋八月丁酉以大

聖皇帝皇后宴寢之所號日月宮因建日月碑丙午

如九層臺九月丁亥至自九層臺冬十一月戊寅

東丹奏人皇王浮海適唐

攷異薛史云東丹王突欲在闕下其母繼發使申報

朝廷亦優容之尹洙五代春秋云長興二年正月突丹突欲來歸按長興二年即天顯六年也此恐係傳

聞之誤

六年夏四月己酉唐遣使來聘冬十一月乙酉唐復

遣使來聘十二月丙辰以詔賜唐盧龍節度使趙德

鈞

七年春正月己亥唐遣使來聘癸卯遣人使唐

攷異通鑑

云長興三年正月契丹陷平州按元年冬盧文進來奔唐得平州至是復爲契丹陷紀未載綱目云長興

遼史紀事本末

卷九

七

二年三月契丹遣使請之唐主謀於羣臣皆曰契丹所以屢
擒契丹者以此輩在南故也縱之則邊患復生自是數
求和者以武輩在國志同惟作長興三年即其年
侵雲州及振武契丹國志同惟作長興三年即其年
且錫里作骨舍利歐史云長興二年八月契丹使邪
姑兒來三年正月使拽骨來三月復遣使來王溥五
代會要云契丹屢請放煎刺舍利等歸國明宗欲許
之大臣爭未決會德鈞論奏及易州刺史楊檀皆言
不可乃止仍遣煎骨舍利隨其使歸時使爲梁進德
鐵葛羅卿述祿三人又云二年十二月十二日契丹
至帳前有大星晝隕聲若雷電薛史易州作冀州咱
喇作扎拉煎骨作哲爾格紀載各異按檀後改名光
遠字德明小字阿檀沙陀部人見陳思小字錄輿地
廣記云振武本戎狄地秦漢屬雲中郡唐龍朔三年
置雲中都護府改單于大都護府升振武軍縣一金
河有燕然山李陵臺王昭君墓咸通中李國昌爲節
度世據夏四月甲戌唐遣使來聘致人皇王書秋七
其地

月壬辰唐遣使遺紅牙笙癸巳使復至懼報定州之

役也冬十月乙卯唐遣使來聘己巳遣使雲中

攻契丹異

國志是冬唐以石敬瑭爲河東節度使蔚州刺史張

彥超與敬瑭有隙聞之遂叛降契丹通鑑目錄云拜

彥超大節度使薛史云時契丹帳族在雲州境帝

與羣臣議擇威望大臣以制北方故敬瑭移鎮河東

而以張敬瑭爲雲中節度使十一月雲州奏言契丹

主在榆林南納喇泊造攻城具帝遣使賜王銀器綵

帛通鑑目錄云時敬瑭聚兵守

要害契丹不敢南下史均未載

八年春正月庚子命皇太弟魯呼左威衛上將軍召

克率兵伐黨項克之未幾來貢 二月乙卯尅實魯

原作使唐還以附獻物分賜羣臣三月丙申唐遣使

實魯請罷征黨項兵使人報之冬十月辛亥唐遣使來聘

己未遣巴拉

原作拔刺攷異汪輝祖遼史同名錄云

卷一太祖紀吐谷渾長卷八十八國舅

詳穩姓蕭氏卷九十六蕭樂音努傳父舍利軍詳穩四人同名拔刺使唐十一月辛丑

宣簡太后崩遣使告哀於唐攷異后如傳作天是月

唐帝嗣源殂子從厚立攷異歐史云長興四年五月契丹使述骨鄉來薛史云是

月契丹遣使朝貢紀未載

九年春閏正月戊午唐遣使告哀即日遣使弔祭

二月戊寅葬宣簡太后於德陵夏四月唐潞王從

珂弒其王從厚而自立攷異冊府元龜云愍帝應順元年正月契丹使都督沒辣

來朝獻馬四百駝十羊二千先是遣供奉官西方環

入契丹復命故有是獻歐史云正月契丹使都督沒辣

二月寇雲州薛史云九月雲州奏契丹寇境十月復

冠雲應州續通考云八月王南伐拽刺解里

手接飛雁上異之因以祭天地史均未載

十年春正月戊申彰德皇后崩尋葬奉陵

后蕭氏小字溫舒

后弟實嚙女初大元師納爲妃生穆宗及卽位立爲后重熙中更諡靖安見后妃傳攷異契丹國志云后

涿州人遼興節度蕭延思女太宗崩時后在國後崩與帝合葬穆宗立立陵廟建碑延思少習武藝有材

力能左右射自太祖時從平諸番常單騎深入敵陣屢戰有功太宗拔晉掃古織已死矣太宗每嘆曰斯

人若在中原不足平也終北面都部署疑延思又名掃古織史未立傳見楊復吉遼史拾遺補

月辛巳宰相納爾琿里原作涅謀南奔事覺執之攷異

雷廿一史四譜載太宗朝北府宰相耶律涅里衮云天顯十年拜與紀所書台想係一人但紀未載其爲

北府及拜相年月而諸又未載其南奔事姑闕疑以俟攷又太宗朝宰相南府則耶律鶻離底平章事則

劉居言政事令則蕭僧隱中書右相則耶律述蘭送烈哥均見四譜薛史云清泰二年五月新州振武奏

契丹寇境六月寇新州振武奏契丹二月萬騎在黑榆林尋寇應州庚辰招討趙德鈞奏楊光遠追襲契丹

至易州尹洙五代春秋云四月契丹寇新州六月侵應州史均未載

冬十一月丙午

幸宏福寺爲皇后飯僧見觀音畫像乃大聖皇帝皇

后及人皇王所施顧左右曰昔與父母兄弟聚觀於

此歲時未幾今我獨來悲嘆不已乃自製文題壁以

極追感之意讀者悲之

攷異曰下舊聞考云善果寺西半里許有菜園遼碑在焉

魏坤倚晴閣雜鈔謂其地卽歸義寺以碑考之似別

爲一寺而歸義寺乃在其北也查慎行人海記云歸

義寺創於遼內有石幢記作駢語又記云太遼保甯

年就都亭侯太原王公爲王妣自會同九年捨資

就奉福寺文殊殿前又建法幢於灝村之境京東之

墓云云建幢女弟子張氏長男攝邠州司馬次男

留守押衙前都亭驛使次男攝寰州長史恕長女

成節婦次女李郎婦次女陳郎婦未嫁女吉年孫男

三牛銀青崇祿大夫檢校工部尙書兼御史大夫上

柱國鄭承嗣表弟閭門使崇祿大夫檢校部尙書

兼御史大夫上柱國郭涉次表弟將仕郎前守昌平
縣主簿郭陀鎬字者尹奉威也附錄遼會同中蘊虛
佛頂尊勝陀羅尼幢記夫六道循環如救者哉
假融情口而成岳流渴愛以爲河擾擾乎如救者哉
蟲忙忙焉若奔空王之獸不有至道其孰能拯救者哉
則我大覺髻珠空王密藏妙用遐周於沙界神功廣
被於人天巍巍乎可得而蕩蕩乎無遠不屆至若
釋塵勞境除七返之輪迴入解脫門破四魔之顛倒
津梁五濁利濟三途拔火宅之焚燒導苦海之沈溺
者莫尚乎佛頂尊勝陀羅尼或資敬仰用具載奕世傳
芳其或安在佛高樓置於窳堵或資敬仰用具載奕世傳
蹈焔者罪滅福生使霑塵者或資敬仰用具載奕世傳
契殊因粵有福生使霑塵者或資敬仰用具載奕世傳
爲累常體存心捐情於美服貞閑性惟明慧雖設俗
顧瞻勝槩之易減知水月以非堅爰自幼年不食薰茹
遐瞻勝槩之易減知水月以非堅爰自幼年不食薰茹
身之服玩減實腹之資儲召募良工益事而乃輟周
真諦訖立危幢儼鎮地之崇基聳參雲之逸勢成因
積用詎假求庶集福之有期與善生之共處陵移
谷變標勝置以無窮日往月來垂善

遼史紀事本末 卷九

十

同九祀龍集敦牂爲元月二十一日謹記又重移尊
勝陀羅尼幢記公恕榮爲皇此自會同九年十五
亭驛使太原王公恕榮爲皇此自會同九年十五
廣陳勝事於茲全地特建妙幢在經藏前集功德
益於奉福寺文殊殿前又建法幢於源村之墳京東
之墓各置佛頂尊勝陀羅尼幢一所前後四處咸仗
六通亦可蔭及子孫門風不墜邇後書院隆盛檀
基復近僧堂又興佛殿斯幢當路須至閉遮乃移舊
固於殿之右皇妣靈鑿願表誠如遊六欲之宮永
持幡都去上摩尼之殿仍將片善福及現存以球琳
琅玕富其家以椿栳栝柏齊其壽四生六道咸霑此
恩所有內外尊親依舊列名於後而已矣析津志云
歸義寺在舊城時和坊內有大唐再修歸義寺碑幽
州節度掌書記榮祿大夫檢校太子洗馬兼侍御史
上柱國張冉撰畧曰歸義金利肇自天寶歲迫以安
氏亂常金陵史氏歸順特詔封歸義郡王兼總幽燕
節制始置此寺詔以歸義爲額大中十年庚子九月
石據此則歸義實建於唐遼時石幢久淪土中乾

陸三十九年土人於茶圃掘得之記凡二篇今其境
移置善果寺內又行國錄謂歸義爲金元舊刹見祝
穆方輿勝覽按善果寺在宣武門外西南二里白紙
坊舊名廣安寺爲南梁漢興元府建有碑又奉福寺
未知卽宏福寺否俟攷

十二月庚辰如金瓶灤遣伊喇原作華

格

原作科爾羅原作窟

和囉木薩噶

原作阿魯掃姑攷異卷十七聖

宗太平六年西北招討司小校同名掃姑

等捉生敵境

十一年秋七月丙申唐河東節度使石敬瑭

西夷人父曰臬

振雞本陰山種

爲其王所討遣使求援八月庚午太宗自將

援敬瑭九月庚子大破唐兵於太原遂圍晉安寨

在太

原縣晉祠南

冬十一月丁酉冊敬瑭爲大晉皇帝閏月甲

子克晉安寨命德勒賓

原作迺南畢

將五千騎送敬瑭入

洛十二月庚寅班師

攷異歐史云王處直爲都所四

威襲先人爵土敬瑭曰自將校至節度當歸中國漸

進之至怒曰爾自諸侯爲天子豈有漸乎敬瑭懼遣

使處存孫廷允徙義武曰

此亦王氏之後也紀未載

十二年春正月丙寅太后遣侍衛實嚙趣行是夕率

輕騎先進丁丑皇子舒嚙

原作述律

迎謁於灤河告功太

祖行宮戊寅朝於太后壬寅詔諸部休養士卒

會同元年春二月丁酉獵松山戊戌幸遼河東丙午

帝思人皇王遣特哩袞率宗室以下祭其行宮丁未

詔增晉使所經供億戶

攷異續通考云景宗乾亨時

以上京雲爲戶貨具實饒善

避徭役遺害貧民遂勒各戶凡子錢到本悉送歸官

與民均差聖宗統和三年三月樞臣奏契丹諸役戶

多困乏請以富民代之上因閱諸部籍有二部戶少而役重者併量減之開泰四年曷蘇館請括女直王殊只爾之舊無籍者會其丁入賦役從之興宗重熙八年六月北樞密蕭孝穆請籍諸路戶口以均徭役從之由是通括戶口政賦稍平衆悅時蕭烏野爲敵烈節度使恤困窮省徭役不數月部民以安馬人望爲三司度支判官時民以甚患者驛遞馬牛旗鼓鄉正廳隸倉司之役至破產不給人望使民出錢官自募役民以爲便所載甚詳按夏四月己亥西南邊雲爲食貨志作雲威稍異

大詳袞耶律羅卜科

原作盧不姑亦作魯不姑攷異蒙古語淖泥也舊作魯不古今

譯改本傳太祖從姪字信甯曾從敗張敬達於太原北官裕悅北院大王

奏黨項捷

六

月癸巳詔建日月四時堂圖寫古帝王事於兩廡

冬十一月丙寅帝御宣政殿

攷異元好問續夷堅志云上京臨潢府在中都

北三千里夏至晝六十刻夜三十六刻富鄭公行程錄云上京西門曰金德內有臨潢館子城東門曰順

陽入門北行至景福門又至承天晉使劉昫等冊上

尊號禮志載唐皇帝受冊儀又詳聖宗太平元年行之

汗柴冊禮合唐禮雜就之又有上契丹冊儀與此儀大

同小異加以上寶儀劉六符傳道宗立將行大冊禮

北樞密蕭革曰行大禮備儀物必擇廣地莫若黃川

六符曰禮儀國之大體帝王之樂不奏於野今中京

四方之極朝觀各得其所宜中京行之上從其議則

皇帝受冊前行此儀因無定所清甯間始定於中京

大赦改元會同攷異歐史云契丹改天顯十一年為

改晉國為遼通鑑云晉天福二年契丹改元會同國

號大遼蓋天顯十一年也今改元載在天顯十二年

之次年改國號載在大同元年紀載在天顯十二年

復改遼為大契丹道宗咸雍二年又改號大遼史均

未書按歐史原注德光入汴稱會同十年時晉開運

四年也推而上之則會同元年乃晉天福三年也與

通鑑又異潛研堂金石文改尾云古釋迦佛舍利塔

記興中故城之址有浮圖三焉土人名其地曰二座

塔其南塔之前嘗有掘土得地宮一片崇八尺廣六尺
五寸八面相等周遭嵌碑文其一十一月丁丑朔十六日
興中府重熙十五年丙戌歲十一月丁丑朔十六日
王辰起手鑄次年四月乙巳朔八日壬子午時葬釋
迦佛舍利記凡五十字字大徑二寸餘未載辦塔三
僧則覺華島海雲寺業律沙門志全也塔徒於天慶
二年以釋慧材所撰記攷之塔蓋十三層藏釋迦佛
舍利一千三百餘顆定光佛舍利六百餘顆此惟云
釋迦文不備也遼自太宗建國號大遼聖宗統和元
年復號大契丹道宗咸雍二年復稱大遼史俱失書
其他之闕漏可勝言哉讀此年復稱大遼史俱失書
碑益既然於文獻之無徵也晉復遣趙瑩字元暉人
十六州地圖來獻攻異王應麟通鑑地理通釋云石
媯儒武雲應寰朔蔚十六州人皆謂北方自撤藩籬
之始余謂雁門以北諸州棄之猶有關隘可守漢建
安喪亂棄陞北之地不害爲魏晉之強是也若割燕
薊順等州則爲失地險然盧龍之險在營平久爲契
丹竊據自同光以來戎馬南牧直抵涿易其失險也
久矣方輿紀要云太行山亦曰西山延袤二千餘里

從鎮定澤潞言則曰山東西自燕雲諸州言則曰山
前後實今古之大防自晉失十六州爲中原之禍者
數百年程大昌北邊備對云雁門以北幽州管內十
六州其地東北有盧龍塞西北有居庸關中國恃此
以界限北狄自十六州既割山陰皆爲敵有而河北
盡在平地無險可拒守矣元郝經入燕行云南風綠
盡燕南草一桁青山翠如掃驪珠晝擘滄海門王氣
夜寒居庸道魚龍萬里入都會傾洞合杏何擾擾黃
金臺邊布衣客拊髀激嘆肝膽烈塵埃滿面人不識
駝麟偃蹇虹霓結九原喚起燕太子一樽快與護明
月英雄豈以成敗論千古志士推奇節荆卿雖云志
不就氣壓咸陽與俱滅何如石晉割燕雲呼人作父
爲人臣偷生一時快一已遂使王氣南北分天王幾
度作降虜禍亂幾度開其源誰能倒挽析津水與洗
當時晉人恥崑崙在上尋田疇
詔以皇都爲上京府
曰臨潢升幽州爲南京
地理志云南京古燕國以燕
分野在析津之次置析津府
領州六縣十一攷異大象列星圖云北斗七星是爲
斗車亦曰開陽亦曰應星主木主燕星經及宋天文

志開陽作闕陽博雅又謂旋爲冀州開陽爲梁州羣
書考彙及石氏又謂北斗第五星主燕史記天文書
玉衡第八星主幽州常以五寅日候之漢書天文志
云王燕趙亥燕代淮南子云戌趙亥燕宋兩朝天文
志云天市垣二十二星在東西各十一星其東垣第
星曰燕星經謂第二星在楚星南辰象考謂在韓東
南張揖廣雅云尾十星在楚星南辰象考謂在韓東
野清類天文分野之書云析津縣名今大興秦薊縣
漢爲廣陽國東漢爲幽州兼立幽州晉屬燕國魏立燕
郡隋爲涿郡唐爲幽州治建中元年朱滔立燕郡縣
二年析西界置幽州縣遼開泰元年更爲析津縣金
改大興縣顧炎武京東考古錄云漢書薊古燕國召
公所封鄆道元水經注城內西北隅有薊邱因以名
邑唐書幽州范陽郡治薊開元中析置薊州漁陽郡
治漁陽及遼改薊爲析津而薊之析置薊州以漁陽
爲薊忘其本矣史記樂毅書薊州之名沒今乃以漁
統志云城西北隅卽古薊門舊有樓館併廢祝穆輿
地要覽云宛平本幽都薊縣西界地唐爲燕州朱
希彩奏爲廣甯縣後仍爲幽都遼統和末改宛平縣
王士點禁扁云遼南京宮之扁曰永興曰積慶曰延

昌曰彰愍曰長寧曰崇德曰興聖曰敦睦曰永昌曰
延慶曰長春曰太和曰膳樓之扁曰五花曰清涼曰元
曰嘉甯堂之扁曰乾文門之扁曰元和曰南端曰萬春曰
月閣之扁曰鳳凰園曰柳園曰下舊聞考云中都尙有仁
千秋曰鳳凰園曰柳園曰下舊聞考云中都尙有仁
政殿見金史世宗紀又長春宮有二一在南一在
長春州見孫承澤北平古今記又太宗紀會同三年
四月御昭慶殿宴羣臣道宗紀清甯五年十月朔祭
興宗於清甯殿均失載劉定之呆齋集云東京師西
南有舊城唐藩鎮遼金別都之域也元遷稍東於是
舊城東半遂入於朝市間而西半猶存號蕭太后城
蓋遼后有子爲帝則太后別居宮城統部屬因以爲
名劉侗帝京景物畧云白塔建自遼壽昌二年相傳
藏法寶種種靜夜有光元世祖發之舍利二粒青
泥小塔二千石函銅餅香水盈滿前二龍王跪而守
護案上無垢淨光陀羅尼經五部餘底一錢文曰至
元通寶四字世祖驚異乃加崇飾或言遼王於燕京
五方寶鎮以塔塔五邑兵燹後惟白塔存燕京
安容話云白塔在阜城門內妙應寺右偏孫承澤春
明夢餘錄云採魏院石塔記遼景福元年建燕京寶

塔寺講律沙門如正
南京爲東京改新州爲奉聖州

武州爲歸化州
攻異陳極五代史補編云遼制居有

鎮邊圍曰部族有事以攻戰爲務無事以畋漁爲樂

地盡大漠境包長城秋冬違寒春夏避暑隨水草就

游獵俗重鵝獲則祭天雁元英文昌雜錄云北人於

住坐處曰捺鉢嘗以問之北使王師儒言是契丹家

語猶言行在也王易燕北錄云春捺鉢多於長春州

東北就樂甸住坐夏捺鉢多於永安山住坐秋捺鉢

無定止冬捺鉢多於邊甸住坐張舜民使遼錄云北

人打圍歲各有所正月鉤魚海上於水底鉤大魚二

月三月放海東青鵲打雁四月五月打麋鹿六月七
月於涼淀坐夏八月九月至歲終打虎豹之類程大
昌蓀繁露云戎王達魯河鉤牛魚以其得否占歲美
惡李燾長編云晁迥北使還言始至長泊泊多野鵝
鴨主獵飲帳下騎擊扁鼓繞泊驚起鵝鴨飛乃縱海
東青擊之或親射焉胡嶠陷北記云自歸化州行三
日登天嶺嶺東西連亘有路北下四顧冥然黃雲白
草不可紀極謂之辭鄉嶺陷虜者至此輒南向慟哭

而去方輿紀要云卽偏嶺訛作天在開平開平升南北二

院及伊實

原作乙室

額爾奇木爲王

攷異營衛志云會同

大王與紀異按德喀部初分南北院

置額爾奇木嗣復號南北院大王以主簿爲令

爲刺史刺史爲節度使二部德里吉

原作梯里己

爲司徒

達爾汗

原作達刺干

爲副使瑪爾布

原作麻都不

爲縣令縣達

爾罕爲馬步置宣徽閣門控鶴客省等使御史大夫

中丞侍御判官文班牙署諸宮院實珠

原作世燭

馬羣約

尼實珠南北府國舅帳郎君官爲敝史諸部宰相節

度使帳爲司空二室韋達林

原作闡林

爲僕射鷹坊監治

等局官長爲詳袞

攷異兵衛志云衆部族分隸南北府北府凡三十六部南府凡十六

部守衛四邊府各設宰相統之陳極五代史補編云
北南二府宰相掌軍國大政北府則宗姓世預其選
南府則外戚世居其職其北樞密則掌兵及武選羣
牧之政軍馬皆屬南樞密掌文銓部族丁賦之政人
民皆屬所謂北衙不理民南衙不主兵也至南北院
大王掌部族軍民之政皆遼宰相也若楊隱治宗姓
林牙掌文告又貴近之職焉續通考云北樞密視兵
部南樞密視工部敵麻烈都視禮部以南部夷董視刑部
宣徽視三公統和門中嘗召宰相蕭塔烈葛等賜坐論
于越象三公統和門中嘗召宰相蕭塔烈葛等賜坐論
古今治道又設南門下侍郎清甯中楊哲嘗爲之有散騎常
嘗爲之有門下侍郎清甯中楊哲嘗爲之有散騎常
侍天祥中馬人望嘗爲之設中書省卽政事省有中
書令韓延徽韓知古趙延壽嘗爲之南面尙書省設
尙書令左右僕射左右丞左右司郎中員外郎書省設
大林牙院南面翰林院掌文翰又遙輦九帳太常衮
司掌遙輦注可汗耶瀾可汗巴剌可汗痕德厓可汗鮮質
可汗昭古可汗耶瀾可汗巴剌可汗痕德厓可汗鮮質
世宮人之事太祖受位於遙輦以九帳居皇族一帳
之上設常衮司奉之有司不與焉國俗東向而尙左

御帳東向遙輦九帳南向皇族三父帳北向東西爲
經南北爲緯故謂御帳曰橫帳設太常輦太師太保
太尉司徒司空侍中等官節度司有節度及副使等
官札詳穩司有札詳穩都監將軍小將軍等官遙輦
刻官屬未詳刻者帥也大國舅司掌國舅一室已拔
里二帳之事太宗合太后二帳爲國舅司聖宗併一
室已拔里爲一帳設詳穩以總之又設四帳都詳穩
一室己爲大翁帳小翁帳拔里爲大父帳小父帳各
常衮及太師三公都監將軍敎史等官又渤海帳司
有宰相太保提馬及近侍詳穩官至奚王府一室王
府官屬未詳又遼先世未有城郭宮室之固輿車爲
營硬寨爲宮御帳之官不得有城郭宮室之固輿車爲
設北面侍御司所屬著帳爲近侍局北面部族爲護
衛設北面護衛府武臣爲宿衛司親軍爲禁衛司百
官番宿爲宿直司奉宸司以司供御三班院以肅朝
會而硬寨司則以嚴晨夜焉又云宰相屬官有堂後
官有守堂官有令史文獻通考云遼之佐吏則有敵
史本古思奴古御奴古徒奴李心傳朝野雜記云堂
後官謂三省諸屬都錄事也補職一年考宣教郎劉
祁歸潛志云省吏前朝止用胥吏號堂後官洪邁容

齋三筆云金使出外貴者佩金牌次者佩銀牌俗呼爲金牌銀牌郎君北人以爲契丹時如此紀載甚詳

二年春三月丁巳封皇子舒嚕爲壽安王是爲雅斯

哈原作菴撒葛攷異畢沅續通鑑作諳薩噶云舊作菴徹葛爲太平王後封齊王

異皇子表太宗五子穆宗第一雅斯哈第二靖安后

生迪里第四年七月蕭氏生按太宗紀六年八月舒嚕

生卽穆宗八年七月提育古生疑係迪里九年十二

月阿鉢撒葛里生疑係菴撒葛一作安巴薩哈勒惟

年分先後不同或迪里係宮人所生故表列雅斯哈

之後續通考云菴撒葛當穆宗時謀亂貶戍西北邊

景宗立竄大漠召還釋其罪封齊王保甯四年薨贈

皇太叔又敵烈亦太宗子多力善射保甯初邵宋師

有功封冀王後與耶律海恩謀反事覺穆宗釋之乾

亨初與宋師戰沒白馬嶺又必攝亦太宗子穆宗時

嘗啟族人恒特及蕭啜里謀亡事又諫止殺監鹿官
景宗立封越王見封建考又帝系考太宗第二子名
天德世宗時以加王鄧檢校太尉畋於裏潭之側
反誅所載各異

己巳大賚百姓 秋閏七月癸未伊實大王坐賦調

不均撻而釋之并罷南北府民上供及宰相節度諸

賦役非舊制者攷異余靖武溪集契丹官儀云遼司

順涿易等州於平州置錢帛司營灤等州屬焉中京

置度支使宜霸等州隸焉東京置戶部使遼西川錦

等州屬焉上京置鹽鐵使饒澤等州屬焉山後置轉

運使雲應等州隸焉至隨駕賜予則樞密院主之燕

勞則宣徽使主之續通考云長春遼西二道亦有頭下

帛司官曰錢帛都檢點按地理志云上京道有頭下

軍州皆諸王外戚大臣及諸部從征俘掠或置生口

各團集建州縣以居之橫帳諸王國舅公主許創立

州城餘不得建城郭朝廷賜州縣額節度朝廷命之

刺史以下以部曲充凡井邑商賈之家征稅皆歸頭

下唯酒稅課納上京鹽鐵司凡十六州徽州宣德軍

景宗女秦晉大長公主建在宜州北二百里成州長

慶軍聖宗女晉國長公主建在宜州北六十里懿

州廣順軍聖宗女燕國長公主置在顯州東北三百

里渭州高陽軍隆慶女韓國長公主置在顯州東北
二百五十里據州東北二百二十里原州國舅金德
平縣故地在顯州東北二百二十里原州國舅蕭甯以
俘掠漢戶置在顯州東北二百二十里原州國舅蕭甯以
南征俘戶置在顯州東北二百二十里原州國舅蕭甯以
故遼陽縣地在遼州西北九十里鳳州本果囉國故
地南王府五帳分地在韓州北二百里遂州本高州
地南王府五帳分地在韓州北二百里遂州本高州
遼澤約尼氏僧隱牧地北至上京三百五十里順州本
本遼陽縣地橫帳南王府俘掠漢戶置在顯州東北
百二十里闔州羅古王牧地在遼州西三百三十里松
山州橫帳希庫王牧地有松山北至上京百七十里
豫州橫帳陳王牧地南至上京三百里甯州本達呼
爾氏魯塔山橫帳管甯王牧地西南至上京三百五
十里所
載甚詳
己丑以南
王
府
二
刺
史
貪
贖
杖
之
詔
選
羣
臣
爲
民
所
愛
者
以
代
京
宰
相
耶
律
羽
之
言
渤海大素賢
不法事詔僚佐部民舉有才德者代聖宗統和九年
七月詔諸道舉行能察貪酷十二年六月詔州縣長
皇
史
已
有
本
末
卷
之
二

吏有才無過者減一資考任之開泰三年十二月劉
晨言殿中高可垣中京留守李可舉決獄平允詔超
遷之太平六年十二月詔南北諸部廉察州縣及石
烈彌里之官不治者罷之詔大小職官有貪殘虐民
者立罷之終身不錄其不廉直雖處重任卽代之能
清勤自勵者卑位亦當薦拔內族受賂事發與常人
所犯同科興宗重熙十一年七月詔外路官勤瘁正
直者考滿代不治事者卽易道宗太康元年知三司
事韓操以錢穀增羨授三司使
遼一代察吏之法畧具於此

三年春三月癸未獵水門獲白鹿庚寅詔扈從擾民
者從軍律夏四月庚子至燕備法駕入自拱宸門御

元和殿行入閣禮

攷異歐史云唐故事天子日御殿見羣臣日常參朔望薦食諸陵寢

有思慕心不能臨前殿則御便殿見羣臣日入閣宣
政前殿也謂之衙衙有仗紫宸便殿也謂之閣其不
御前殿而御紫宸也乃自正衙喚仗由閣門入百官
俟朝於衙者隨入故曰入閣然衙朝也其禮尊閣燕

見也其事殺自乾符後因亂禮闕天子不能日見羣臣而見朔望故正衙常日廢仗而朔望入閣有儀其後習見遂以入閣爲重至出御前殿猶曰入閣其後亦廢至是而復然有司不能講正其事凡羣臣五日朔入見中興殿便殿也此入閣之遺制而謂之起居朔望一出御文明殿前殿也反謂之入閣其儀詳見於五代會要按入閣之名始於唐開元時不爲盛禮唐末常御殿更無仗遇朔望特設之趨朝者仍給廊下食故鄭谷輩多形於詩詠而五代行之不絕見宋敏求春明退朝錄陳浩遼史攻證云遼有入閣之儀考太宗紀正在會同四年蓋亦常時朝見之儀禮志缺載樂志云會同三年晉宣徽使楊端王眺等及諸國使朝見帝御便殿賜宴端眺起進酒作歌舞上爲舉觴極歡又端午日百僚洎諸國使稱賀如式燕飲命回鶻敬煌二使作本國六月壬寅駕發南京癸丑舞紀未書晉使進酒起舞六月壬寅駕發南京癸丑次奉聖州甲寅勞軍士攷異孫世芳宣府鎮志云是軍時山後五州兵半隸營衛因閱騎兵於州郊南步兵於州郊北賞賚有差自是諸兵從獵不休侍中崔

窮古言晉主聞陛下數游獵意請節之帝曰朕
之政獵非徒從樂所以練習武事也乃詔諭之秋七

月癸酉朝於皇太后遂從視人皇王妃疾尋薨詔東

丹吏民爲之服冬十一月丁丑詔有司教民播種

紡績除姊亡妹續之法政異食貨志云初皇祖伊德

教民耕仲父蘇將爲裕悅飭國人樹桑麻習粗織太

祖平諸弟亂弭兵輕賦專意於農太宗會同初將東

獵三尅奏減輻重疾趨北山取物以備國用無害農

務以烏爾古地水草豐美命鄂勒歡錫林居之益以

哈里水之善地爲農田三年詔以嘉哩河贖胸河近

地賜南院鄂津特垓哩伊遜巴勒嘉哩河贖胸河三

錫林人以事耕種詔有司勸農桑教紡績八年詔徵

此如語道兵敢有傷禾稼者以軍法論遼之重農務本類

四年春正月壬戌以伊實

原作

彭布

原作

托果

原作

三部鯨寡不能自存者官爲之配 二月丁巳詔有

司編始祖奇善汗原作奇汗事迹熙十五年詔以耶律重

庶成編集約尼汗以來事迹爲二十卷耶律古雲傳

亦載與庶成編遼國上世事迹及諸帝實錄又耶律

儼著皇朝實錄七十卷室昉著統和實錄二十卷蕭

永祺著遼紀四十卷志五卷傳四十卷均見金陵黃

卷契丹實錄契丹會要均見尤表遂初堂書目大遼

登科記一卷大遼對境圖契丹地理圖一卷均見鄭

樵通志藝文畧遼四京記見陳振孫直齋書錄解題

夏六月辛卯振武軍將趙崇逐其節度使耶律華

喇原作以朔州叛附晉命宣徽使尼古察原作裏古

錫里房祖六院部攻拔之尼古察戰沒城下太宗怒命誅城

中丁壯以叛民上戶三十爲尼古察部曲。是歲南

唐吳越二國遣使奉蠟丸書

攷異太祖紀神冊三年

年五月吳越遣滕彥休貢犀角珊瑚授官使還太宗

紀天顯七年二月伊喇迪里使吳越還吳越遣使從

獻寶器復遣使持幣往報之會同三年正月八月吳越

越兩遣使來貢十月遣剋朗使吳越四年八月吳越

遣使奉蠟丸書六年三月遣使來貢吳任臣十月吳越

秋云吳越文穆王世家論曰吳越甘露院牒之稱會

遙折來聘忠獻王世家論曰吳越何不以不稱開運與

同十年也在晉天福十二年七月何一而足至是既

天福也蓋前此契丹與吳越通使不一而足至是既

布詔州鎮矣而漢使未至豈有不奉契丹正朔者間

讀福州雙石祠有云會同十年以閩府承平復封爲

安境侯時福州新附吳越故亦稱會同也而疑者契

丹以是年二月改大同故遼史會同無十年而吳越

猶稱十年者何蓋契丹降故則曰會同而改元則曰

大同改元後不蓋契丹光卒故大同之號不行於南

吳越通使非一次史多闕書至南唐使命往來詳見

卷十四卷十七刑法志云會同四年皇族錫里郎君

謀毒通事嘉哩等已中者二人命重杖之及其妻流於矩己哩木河族造藥者紀亦未載

五年春正月戊午詔求直言北王府郎中耶律哈斯

原作應詔召對稱旨特授宣徽使 二月壬辰命明

王温原思討吐谷渾并遣使如晉索吐谷渾叛者三

月乙卯朔晉遣齊州防禦使宋暉業攷異薛史作宋

翰林祭酒使攷異宏簡錄張言來問起居攷異歐

守咸金吾勘契官王殷司天雞叫學生殷暉於契

契丹未契丹使梅里來二年九月契丹使馬從斌往

契丹未契丹使梅里來二年九月契丹使馬從斌往

契丹未契丹使梅里來二年九月契丹使馬從斌往

契丹未契丹使梅里來二年九月契丹使馬從斌往

月使郎五來客省使張九思來十月使舍利來十一月使大卿來牛羊使董殷使契丹三月大府卿孟承誨使契丹四月董殷使契丹七月使契丹使梅里等來十月使通事劉允來十一月董殷使契丹登州刺史郭彥威使契丹七月正二月給事中邊光範登州刺史郭彥威使契丹七年正月契丹直王班使契丹至鄴而還薛史晉紀云二年九月契丹遣使來致牛馬大腊顛駮十駟七年正月遣譯語官孟守忠致書於契丹王殷作王英殷暉作商暉又副馬從斌者爲郎中劉知新冊府元龜晉紀云三年十一月契丹使來聘致馬百匹及玉鞍狐裘等四年九月晉遣李延業貢時菓天福七年閏三月造殿直官馬延理內班王延彬送櫻桃於契丹尹洙五代春秋云元年十月馮道使契丹攷史或未載或未詳使名或以侯攷夏六月乙丑晉主敬瑭殂子重符今並識之以俟攷夏六月乙丑晉主敬瑭殂子重貴立卽出帝亦曰末帝薛史作少帝初封鄭王敬儒子遣使弔祭秋七月庚寅晉遣金吾衛大將軍梁言判四方館事朱崇節攷

歐史作宋崇節來謝書稱孫不稱臣遣客省使喬榮讓之榮

還具奏景延廣言始有南伐意攷異本紀是年十一月己未武定庫奏松

生棗陳浩遼史攷證云朔考十一月是辛巳朔不應有己未日

六年冬十二月丁未如南京命諸將分道侵晉自將

大軍繼之

七年春三月癸酉朔大敗晉師於戚城在開州北七里夏四

月癸丑師還次南京冬十二月癸卯復南侵晉

八年春三月己未大破晉軍於陽城在保定府完縣東南後漢書郡

國志蒲陰縣有陽城卽此已而復戰爲晉將符彥卿存審子初仕唐賜姓李

等所敗帝急乘一橐駝走歸夏四月甲申還次南京

卷之四十一

秋九月壬寅次赤山宴從臣問軍國要務對以愛民
爲本帝深然之

九年秋八月自將南侵晉冬十一月圍晉兵於中渡

寨

在保定府城東南有橋跨滹沱河
上亦曰東垣渡晉軍於此立寨

十二月丙寅杜

重威

朔州人初避晉主諱
改名威降後復舊名

等降

攻異耶律圖勒錦傳
時晉軍方扼滹沱橋

諸將請緩師爲後圖帝然之圖勒錦力陳不可乃塞
其餉道數出師以牽撓其勢重威果降如其言獲賜
甚厚時巴哩岱亦戰功居多朗傳太宗入汴命朗知
澶淵控扼橋渡逾年燕趙以南皆起兵應漢朗與蕭
翰棄城歸關

紀均未載

大同元年春正月丁亥朔備法駕入汴降封晉主爲

負義侯

攷異鄭文寶傳國璽譜云胡嶠記契丹入梁
圖晉末帝奉上璽綬主怪玉璽非秦舊晉人

具以實對蓋係晉高祖所製也王溥五代會要云高
祖受命特制寶一座文曰皇帝御寶開運末契丹齋
以北還孔平仲珩瑋又載遼主詩曰一時制重寶千
受天明命惟德永昌又守此寶歸北方子孫宜慎守世
載重興王中原既失守此寶歸矣按秦璽已被後唐
業當永昌是遼人又以爲秦璽矣晉史稱重熙七
清泰帝焚於摘星樓遼所得者乃晉璽史稱重熙七
年以有傳國璽者爲正統賦試進士豈當時竟未之
深考耶陳樞負暄野錄云自昔陋儒謂秦璽所在爲
正統故契丹自謂得傳國璽欲以歸我太祖皇帝太
祖不受曰吾無秦璽不害爲國且亡國之餘何足貴
乎契丹畏服儀衛志云約尼氏受印於回鶻至伊蘭
汗請印於唐武宗始賜印綬時太祖受位約尼十年梁
州刺史來歸詔賜印綬時太祖受位約尼十年梁幽
同九年晉末帝表上僭僞諸國模擬沿襲所藏不
是歸遼蓋自三國以來僭僞諸國模擬沿襲所藏不
一莫辨真僞聖宗開泰十年馳驛取石晉所上玉璽
於中京重熙中以有傳國寶者爲正統賦試進士天
祚遺傳國璽於桑乾河又玉印太宗破晉北歸得於
汴宮藏隨駕庫御前寶金鑄文曰御前之寶以印臣

僚宣命詔書寶文曰書詔之寶凡書詔批答用之契
丹寶受契丹冊儀符寶郎捧寶置御座前東皇后印
文曰皇后教印吳曾能改齋漫錄云慕容儁傳有詰
石閔使常煒曰璽在襄國信否煒曰寶在寡君謂在
閔也及考石閔送晉璽乃皇帝壽昌璽則閔璽非秦
璽也以此考之石季龍之亂石遵石鑿相繼篡奪遂
失所在今孔氏雜說乃謂傳至五代唐末帝二月丁
攜以自焚亦不善考也紀末書晉帝送璽事

已朔建國號大遼大赦改元攷異吳任臣十國春秋謂是日下制稱大遼會

同十年說本通鑑疑誤當從史陶岳五代史補云馬
殷嫡子希範嗣位建九龍金華等殿適東境山崩湧
出丹砂如邱陵用以塗壁契丹聞之以爲非常人亦
以是日遣使冊爲尙父紀未載

中京趙延壽爲留守兼大丞相政事令中外官僚

賞有差 辛未晉河東節度使劉知遠自立爲帝國

號漢

攷異釋文瑩玉壺清話云陶穀本姓唐避晉帝諱故改時敵勢方熾謂所親曰五星數夜連珠

於西南有真王已在漢地觀敵帳旌蛇氣繞之戎王
必不歸國又李東起芒侵於北彼中非久自相吞噬
安能亂華後皆果然潘永因宋稗類鈔云穀小字鐵
牛李相濤出典河中嘗書與陶曰每過中流潛思令
德陶初不爲意細思方悟蓋河中每有張燕公鑄繫橋
鐵牛也歐史云時王峻使契丹至呼知遠爲兒賜木
枵戎法貴重峻持歸虜見之皆辟道峻還謂契丹不
能有中國乃議建號峻字秀峰安陽人史均未載

詔耿崇美高唐英崔廷勳畧作崔延勳分據要地防

守之攷異通鑑云契丹分遣使者以詔書賜晉藩鎮
惟彰義史匡威據涇州不受命匡威建媪子雄

武何重建斬使以秦成階三州降蜀契丹勢稍沮薛

史作何建曰契丹聞漢建號以崇美鎮潞州唐英鎮

和州廷勳鎮河陽扼要害所載較詳時陝府指揮趙

暉侯章都頭王晏殺契丹監軍及副使劉愿障自稱

留後契丹授以官不受尋遣陶晟如漢勸進三人後

皆歷節鎮晟亦爲開導使虢州刺史見張齊賢洛陽

聞記舊三月磁州攻異宋史地理志云卽刺史梁暉

以相州

輿地廣記云商王河亶甲居此秦屬邯鄲郡

州東魏北齊又都焉隋爲魏郡唐曰相州天寶改鄴

郡梁號昭德軍晉置彰武軍縣四安陽湯陰臨漳林

慮降漢命高唐英攻之自經死匡國節度劉繼勳憂

憤卒契丹責其豫背盟故也在禮字幹臣涿州人薛

史云時契丹酋伊喇等在洛在禮望塵致敬倨受其

禮加之凌辱邀索貨利在禮不勝憤至鄭州聞繼勳

被鎖大驚就馬櫪自縊死潞州節度張從恩以王守

思婚家可信使權巡檢使已入朝契丹守恩以州歸

漢盡取其家資拜昭義節度歐史云時史宏肇取代

州殺刺史王暉晉州將藥可儔殺駱從朗及諫夏四

議趙熙歸漢紀均未載宏肇字化源榮陽人夏四

月丙辰朔發自汴州攷異冊府元龜云晉中丞趙上

一女子設筵問契丹幾時當北去答以十二日五日

俄見女子袒衣身有金甲類將軍狀嗣戎去駕還均

不以是日及入汴百官郊迎戎主被狐裘跨馬駐層

阜上謂汝輩無懼吾亦人也因開襟示所擐之甲明

其有備也時上交首引同列見之具省前夢至契丹
北道果以十七日也按史以四月丙辰朔發自汴州
通鑑繫之三月壬寅首以馮道字可道瀛人李崧海州
尾凡差十四日疑誤首以馮道字可道瀛人李崧海州
人和凝州須昌人張礪等從行攻五鎮澶州時耶律
苦之賊帥王瓊圍其牙城遣兵救之瓊兵敗被殺東
方羣盜大起陷宋亳密三州日我不意中國之人
難制如此由是杜威等皆還鎮又高允權以延州高
彥詢以丹州皆降漢契丹國志云洺州防禦薛懷讓
聞漢入大梁殺麻答使者以州降漢會攻劉鐸於邢
州不克麻答遣將楊安救之縱兵大掠於邢洛之境
鐸等爲懷讓所殺薛史云武行德攻孟州走其節度
崔廷勳自領州事遣弟行友勸進通鑑目錄云翟令
奇以澤州降漢崔延勳不行友勸進通鑑目錄云翟令
尋以河陽歸漢崇美欲攻潞州史宏肇救之城之命行德
萬進出忻嵐分契丹兵勢鄭州戍兵迫方太爲鄭王
張遇立朱乙襲鄭州太破之太逃奔洛陽羣盜攻
洛陽劉晞奔許州張遇殺朱乙降漢武行德誘太殺
之晞還洛陽宏肇攻破崇美等走懷州契丹陷承天
意史記事本末卷九

軍葉仁魯復之張廷翰以冀州李從朗以絳州均降
漢王存元豐九域志云建隆元年以真定府娘子關
建軍仍隸真定府今廢方輿紀要云承天軍卽今娘
子關自鎮州通河東要道綱目云宏肇克澤州崔廷
勳耿崇美奚王伊喇擁衆北遁遼兵在河南者相繼
引去延動形貌魁偉美鬚髯幼陷北庭歷雲中節度
兼侍中晉少帝遷封禪寺遣廷勳以兵防守授河陽
節度甚得民情契丹北歸武行德率兵逐廷勳乃與
奚王伊喇保懷州反攻行德敗之後還至赤岡在開
與麻答奔定州卒於北藩史均未載
城東北夜有聲如雷大星復隕於旗鼓前裕玉堂閒
十一里
話云三月十七日戎主自汲而北是日路次赤岡日
過脯忽廬帳有聲殷然若雷擊地下主懼召術者
占之給曰此土地神所作乙丑濟黎陽渡方輿紀要
乃命祭禱焉所載較詳
津在滑
縣西
括民私財二也不遽遣諸節度還鎮三也
云攻契丹主
云異通鑑

顧謂侍臣曰此行有三失縱兵掠芻粟一也

廣受貢獻縱酒作樂趙延壽請給上國兵廩食王曰
吾國無此法乃縱胡騎四出剽掠數百里財畜殆盡
并括借城中及各州錢帛內外始怨及宿赤岡見村
落皆空下榜招撫自白馬渡河謂高勳曰吾在上國
以射獵爲樂至此令人悒悒今得歸死無恨矣歐史
謂北歸至湯陰登愁思岡高勳云勳退謂人曰
王將死矣方與紀要云愁思岡在相州城西南二十
里張舜民使遠錄云王不爲文帝所容於此悲吟號愁
死岡者本魏陳思王不爲文帝所容於此悲吟號愁
思岡訛爲愁死薛史云括借令下將相不免重威守
貞皆萬縉乃告曰臣等以十萬衆降不免配借誠所
不甘至笑而免之尋羣盜斷澶州橋梁乃遣歸藩明
年王過相州重威與妻石皇太弟遣使問軍前事報
氏詣牙帳貢獻紀均未載
曰初以兵二十萬下鎮州及入汴省官任才司屬雖
存官吏廢墜猶雛飛之後徒有空巢久經離亂一至
於此所在盜賊屯給土功不息餽餉非時民不堪命

攷其文獻通考云晉初置鄉兵號天威軍教習歲餘
村民不閑軍旅竟不可用悉罷之但令七戶出錢十
千鎧仗悉輸官而無賴子弟不復歸農悉聚山林爲
盜及契丹剽掠民不堪命所在盜起攻陷州縣長吏
不能制所

河東尙未歸命西路酋帥亦相黨附今制

載較詳之術惟推心庶僚和協軍情撫綏百姓三者而已

所歸順民七十六處戶一百九萬百一十八得一年

太平可致欲伐河東姑俟別圖其概如此

及異通鑑目錄時漢

帝欲自澤潞赴汴諸將請先取鎮魏郭威勸自晉絳

趨陝從之以劉崇爲北京留守歐史云時相州梁暉

殺契丹守將閉城拒守德光攻破屠其城婦女悉俘

以北宋史李穀傳云穀潛遣河朔首豪梁暉入據安

陽主患之卽謀北旋會有告以城中虛實者契丹還

攻之陷其城薛史云初暉據相州主命高唐英討之

未幾親至城下攻拔之翼日主北去命唐英鎮守唐

英後爲指揮王繼宏樊暉所殺降漢繼宏官彰德留

後暉為磁州刺史通鑑云王克相州悉殺城中男婦
遺民僅七百胡人擲嬰孩空中塞刃接之以為樂繼
宏收瘞遺骸十餘萬主見城邑邱墟謂羣臣曰致中
國如此皆燕王罪也顧張礪曰爾亦有力焉紀均未
載戊辰次高邑不豫丁丑作丙子蓋四月二十一日

王溥五代會要謂四月十八日紀書丁丑崩於藥城
乃四月二十二日所載各異今從太宗紀四月十六
縣名後漢置在真定府東六十里薛史云四月十六
日次藥城殺虎林側時德光已得寒熱疾數日矣命
部人齋酒脯禱於得疾之地十八日晡時有大星落
於穹廬之前若逆火而散德光見之西望而唾連呼
曰劉知遠滅劉知遠滅是月二十一日卒歐史云至
北歸沒於藥城國人剖其腹實以鹽載歸晉人謂之
帝北通鑑云至藥城得疾殂於殺胡林在藥城縣
西北文惟彥虜廷事實云契丹富貴家人有亡者以
刀剖腹取腸胃滌之實以香藥鹽礬五采縫之又以
尖筆筒於皮膚濡其膏血且盡用金銀為面具錦綵
絡其手足德光死蓋用此法時目帝邦有以也張舜
民畫幔錄云祖宗征河東皆自土門還師駐蹕真定

潭園有兩朝行宮歲謹繕完器甲至二十四庫潭園
方廣六里亭榭皆王氏父子所葺宮後八角大亭乃
德光造祀之所秦再思洛中紀異錄云村民於林內
射殺狐故名宋白續通典云唐天后時龔突厥羣胡
死於此因名所載各異趙與時賓退錄云唐太宗得
定武蘭亭真蹟刻於學士院梁徙置汴晉亡德光輦
歸道死與輜重俱棄於中山之殺胡林慶歷中爲土
人李學究所得桑世昌蘭亭考云德光死永康自立
而歸與祖母交兵棄此石於中山爲李學究得宋景
文後守真定取石匣藏於庫薛紹彭取歸長安大觀
中詔取置宣和九月壬子朔葬鳳山懷陵謚孝武惠
殿中不復見矣九月壬子朔葬鳳山懷陵謚孝武惠
異通鑑云蕭翰自汴至恒州與麻答北歸麻答貪猾
殘忍捕村民披面抉目斷腕焚炙而殺之出入常以
其具自隨左右懸人肝胆手足語笑自若鎮定之人
不勝其毒會亂爲白再榮所逐與耶律郎五皆北去
世宗責麻答失守不服鴆殺之河朔方廣千里剽掠
殆盡當麻答被逐楊安亦遁李殷以其衆降漢初杜
重威心常疑懼遣其子宏璉質於麻答以求援趙延
壽有幽州兵二千在恒州指揮使張璉將之重威請

以守魏麻答遣其將楊衮將契丹千五百人及幽州
兵赴之至邢州聞麻答被逐卽日北還胡三省注宋
白云麻答本名解里太祖從子父撒刺歸梁死於汴
錢大昕謂卽耶律拔里得字孩隣史有傳通鑑輯覽
作滿達勒又郎五作朗烏契丹國志云名忠國族薛
史作郎鄂云永康北去留嘉哩守常山被逐馮道等
四出安撫推再榮爲帥軍民帖然道見士女被俘者
出貲贖之寄尼舍訪歸先是契丹有急詔追道與李
崧等赴木葉山道後至不果俄李筠縱火麻答被逐
時以爲陰報所感初契丹使孫方簡鎮定州永康立
以耶律忠代移方簡雲州不受命忠棄定州去方簡
自狼山回保定州歸漢晉末州縣悉爲漢有後仕漢
周歷節鎮弟行友定州留後議德州刺史三月十七
日契丹棄定州墮城壁焚室廬盡驅人入蕃惟餘
空城瓦礫而已時滄州北上言七月後幽州界來人
口凡五千一百四十七北土饑故也歐史云麻答守
鎮州爲李筠何福進等逐推再榮爲留後以兵環李
崧和凝居求物又欲殺崧取其貲李穀曰公等方得
生路而遠殺宰相此契丹所不爲他日至京師天子
問宰相何在胡以對乃止悉拘嘗事麻答者取其財

遼史紀事本末

卷九

三

人呼爲白麻答歸漢拜義成節度還京爲周太祖亂
兵所殺何福進仕漢周歷節鎮又王饒亦逐麻答者
仕漢周爲節度見
薛史史均未載

遼史紀事本末卷九

遼史紀事本末卷十

馳封資政大夫特賞內閣中書前江西峽江訓導萍鄉李有棠編纂

太宗克唐

太宗天顯九年夏四月唐潞王從珂弑其主從厚而

自立

攷異歐史云清泰元年五月敬瑭復鎮太原來朝京師從珂反鳳翔愍帝出奔遇敬瑭於道殺

從騎

百餘幽之衛州王宏贄傳時愍帝從官沙守榮

等欲

刺高祖親將陳暉扞之薛史晉紀云岐陽兵亂

立潞

王閔帝急召帝入闕欲託稷出奔衛遇諸塗

遂廼

入衛州時閔帝左右欲害帝覺之因擒其從騎

遣刺

史王宏贄安置公舍去漢高祖實錄云時偵知

少帝

伏甲欲害晉高祖帝密遣石敢袖鐵錐立其後

伏發

死之帝解佩刀奮擊衆散走乃踰垣出就李洪

信軍

殺建謀者以少主付宏贄等尋奉廢帝命使子

巒鳩

殺之先是潞王在鳳翔張濂傳太白山神語云

三珠

併一珠驢馬没人驅歲月甲庚午中央戊己土

遼史紀事本末

卷十

一

解曰王當有天下勿憂又潞字一足已入洛有何叟
卒見陰官告以來年三月當爲天子二十三年及蘇
告劉延朗蓋二十三帝小字也石壕胡杲通亦言貴
不可言後皆驗及鄂王被弒刺史宋令尋自經死沈
括夢溪筆談云是年四月九日弒
鄂王其擬狀係馮道親筆未印
人皇王貝原作自

唐上書請討之秋八月壬午自將南侵九月乙卯次

雲州丁巳拔河陰冬十月丁亥畧地靈邱十一月辛

丑圍武州之陽城降之癸卯進拔幹齊爾原作注只城括

所俘丁壯籍於軍十二月駐蹕於百湖之西南明年

師還攷異通鑑目錄清泰九年契丹寇雲州石敬瑭

丹寇新州及振武屯百井楊檀破之於境上敬瑭歸河東二年契

應州所載互異
十一年秋七月丙申唐河東節度使石敬瑭叛爲其

主所討

攷異通鑑云潞王與敬瑭皆以勇力事明宗

佐勸留之因韓招允李專美言命還鎮陰爲自全計

賂曹太后左右伺密謀是年正月千秋節置酒晉國

長公主上壽畢辭歸晉陽帝醉曰何不且留邊禁軍多

與石郎反耶敬瑭聞之益懼時契丹屢寇邊禁軍多

在幽并敬瑭與趙德鈞日求兵運糧詔借河東人菽

粟鎮州輸絹五萬匹糴軍糧率鎮冀車千五百乘運

糧代州詔魏博市糴值水旱民饑督趣嚴急民多流

散亂始兆矣敬瑭將大軍屯忻州詔賜夏衣撫諭軍

士呼萬歲者數四敬瑭懼幕僚段希堯請誅倡首者

劉知遠斬李暉等二十六人帝聞益疑李崧呂琦勸

先事與契丹和親薛文遇言而止尋託疾求移鎮鄆

州崧等謂不可信文遇勸許之趙瑩請赴鎮知遠阻

送拒命表傳位許王詔削官討之殺子弟四人劉延

朗傳云忻州兵變擁高祖呼萬歲斬三十餘人而止

薛史云敬瑭請移鎮房嵩等言不可司天監趙延義

謂星辰失度宜安靜文遇言而定先是術者言國家

合得一良佐帝疑是文遇令手書除日誅敬瑭子重

英重裔於鄴都殺其弟敬德於忻州族其家敬瑭自

殺歐史云敬瑭叛幕僚趙瑩段希堯均以爲不可弗聽時重其爲人不之責吳縝五代史纂誤按晉紀云天福元年卽清泰三年五月鎮天平敬瑭不受命唐紀書敬瑭反於三月丙午彼此互異必有一誤今從

史作

七月遣趙瑩因西南節度使羅卜科求救帝白太后

曰李從珂弑君自立神人共怒宜行天討時趙德鈞

亦遣使至河東復遣桑維翰來告急遂許興師

攷異通鑑

云維翰謀乞兵契丹知遠諫許割地恐異日大爲中國患不聽命維翰草表未嘗言親往告急歐史亦無親如契丹事薛史云帝遣指揮使何福求援於契丹以錯刀爲信宏簡錄云德鈞命維翰來告急更異冊府元龜云河東被圍急令小僕何福懇告蕃首時八月末也蕃首曰北候漸涼別無顧慮爾名曰福戰捷之繇數日出軍與何福俱來歐史云敬瑭求救德光白其母曰吾嘗夢石郎召我而使者果至豈非天耶母召胡巫問吉凶巫言吉乃許徐鉉稽神錄云德光嘗晝寢夢一神人花冠美姿容輪駟甚盛自天下語

曰石郎使人喚汝覺白其母召巫筮之言大祖從西樓來云中國將立天王要汝爲助汝須去後果然陶岳五代史補云高祖尙永甯公主宮中呼石郎將起

兵夜聞狼走入宮中帝命分頭逐捕謂之射狼或遇諸塗問汝何從來曰看射狼來未幾八月己未遣蕭高祖果來蓋射亦石也所載甚詳

轄哩原作轄里攷異卷七十四耶律敵刺報河東師

期攷異歐史廢帝紀云八月契丹庚午自將援敬瑛

九月癸巳有飛鷲自墜而死帝曰此從珂自滅之兆

也丁酉入雁門戊戌次忻州在大原府北百六十里輿地廣記云秦漢屬太原縣元魏置肆州隋置新興郡尋改忻州

原遣使諭敬瑛曰朕興師遠來卽當與卿破敵會唐

唐因之又爲定襄郡今同縣二秀容定襄己亥次太

將高行周字尙質媯州人符彥卿以兵來拒遂勒兵

思繼子行珪弟

...

陳於太原與戰佯卻唐步將張敬達

敬達字敬瑋，太原人。薛史云：時敬達奉命討敬瑋，瑋先鋒安

字志通，代州人。薛史云：時敬達奉命討敬瑋，瑋先鋒安

審琦以部兵叛入并州，其妻與二子在京，爲未帝所

誅，但貸其老母而已。楊光遠又陳於西，未成列以兵

薄之而行。周彥卿爲伏兵，所斷首尾，不相救。敬達光

遠大敗，棄仗如山，斬首數萬級。敬達走保晉安寨。

薛史云：初，援兵未至，敬達引軍逼城，設橋將成，必有

大風暴雨，至不能立。築長城，亦爲水潦壞。晉陽北宮

城上有祠曰毗沙門天王，夜有一人長丈餘，執殳行

城上，牙城崇福坊泥神首，上有烟生如曲突狀。日旁

時有五雲氣如蓮芰，城上有號令之聲，聲不絕者

三日，皆知神助。又城中井泉溢出，不止。契丹國志云

主將五萬騎自揚武谷而南，至晉陽，陳於汾北之虎

北口，與唐兵合戰，敬瑋遺知遠助之。唐兵大敗死者

數萬，通鑑云：步兵死者近萬騎，兵獨全。所載各異，方

輿紀要云：揚武谷在崞縣西三十里，時敬達陳於城

西北山下戰於汾曲爲契丹敗皆蒙山也在太原縣

西北五里按此之虎北口在太原汾水北與密雲縣

東北之古北口亦名虎額爾奇木原作夷達魯原作魯

北口名同而實異也額爾奇木商董達魯的魯

攷異汪輝祖遼史同名錄云卷五大同元年世宗歸

籍沒子孫卷八十四耶律哈里傳哈里母卷一百三

蕭罕努傳天皇帝之與戰死之以其子圖勒琿原作

考四人同名的魯與戰死之以其子圖勒琿徒離

骨嗣爲額爾奇木仍以父字爲名以旌其忠攷異本

作達嚕噶圖勒琿作圖是夕敬瑭率官屬來見帝執

勒錦後官北院大王是夕敬瑭率官屬來見帝執

手撫慰之攷異通鑑云敬瑭問曰皇帝遠來士馬疲

必斷雁門諸路伏兵險要不得進使人偵視無兵乃

長驅深入我氣方銳乘此擊之是以勝也敬瑭歎服

紀未載癸卯圍晉安南宰相呼喇台原作鶻奚監軍伊

聶濟原作寅將軍布哈原作臨陳退縮切責之攷異

方輿

紀要云時契丹置寨於晉安南又移帳於柳林游騎
過石會關既而入榆次縣界石會關在榆社縣西北
所載冬十月甲子封敬瑭爲晉王幸其府敬瑭與妻
較詳

李氏率其親屬捧觴上壽攷異歐史及通鑑均無先

母楊氏積貲百萬父嗣昭被圍夾城軍用賴以不匱

嗣復以賂結莊宗劉后免繼韜於死及契丹助晉責

賂敬瑭貸於繼忠時楊氏之積猶鉅萬得以取足高

祖深德之及卽位拜繼忠沂隸單三州刺史楊氏積

產嗣昭父子三人初圍晉安分遣精兵以絕援兵路

皆賴之見歐史

而唐主遣趙延壽以兵二萬屯團柵谷卽團柏鎮在太原府祁縣

東南范延廣攷異通鑑作延光史避太宗以兵二萬屯
遼州唐置今隸山西攷異輿地廣記云秦漢屬上黨
州來治此曰箕州又改儀州後復幽州趙德鈞以所
舊今縣四遼山榆社平城和順

部兵萬餘由上黨趨延壽軍合勢進擊至此知有備

皆逗留不進攻異方輿紀要云時德鈞請由土門路

縣西十里為天下九塞之一延光領天雄兵由青山

口取榆次以救之青山口在順德府西北八十里通

鑑云德鈞欲倚契丹取中國至團柏不戰屢為延壽

求鎮州帝不許乃致書契丹請立己為帝約為兄弟

國仍允石氏鎮河東主以晉安久不下恐諸鎮邀其

歸路欲許之敬瑭懼遣維翰力爭自旦至暮涕泣跪

請主指帳前石謝德鈞使者曰我唐主自將輕騎三

已許石郎此石爛可改矣史未載唐主自將輕騎三

萬出次河橋攷異綱目云唐主下詔親征至河陽而

要車駕宜留此鎮撫南北則河橋係河陽之誤歐史
云時廢帝欲北征雍王重美謂宜持重固請毋行帝
心不欲往因劉延皓劉延朗之遂如河陽先是帝
謂文紀曰吾自鳳翔識鄉拔之為相皆云可致太平
今何使吾至此文紀惶恐謝罪至是幸河陽勸帝扼
橋自守不聽王溥五代會要云帝北幸博土段駘奏

河陽路當徽陵今車駕親由合親朝謁親督諸軍然

從之均作河陽惟薛史作河橋與史同親督諸軍然

知其不救但日酣飲悲歌而已

南長百餘里厚五十里多設鈴索吠犬人跬步不能

過敬瑄士卒猶五萬顧無所遣使告急唐主問策

於羣臣吏部侍郎龍敏曰請立李贊華為戎主令盧

龍天雄二鎮分兵送之自幽州趣西樓朝廷露檄言

之契丹必有內顧憂因選精銳擊之此亦解圍之一

策也帝深然之執政議不決敏復請遣騎自介休山

路冒敵騎入晉安寨通聲問亦不從羣臣或勸帝北

行則曰卿勿言石郎使我心膽墮地按敏字欲訥丞

清人薛史云十月丁巳夜彗星出虛危壬戌詔天下

括馬民十戶出兵一人器甲自備契丹國志云每七

征夫五千人民間大擾史均未載

行在賜坐從容謂之曰吾三千里舉兵而來一戰遂

勝殆天意也觀汝雄偉宏宜受茲南土為藩輔遂

命有司設壇晉陽備禮冊命十一月丁酉冊敬瑋爲

大晉皇帝自戊戌至戊申候騎兩奏南有兵至復奏

西有兵至命特哩袞廸輦幹

原作注攷異汪輝祖遼史同名錄云卷三十營

衛志卓特部先世卷四十五百官志汗卷一百六耶律官努傳官努友四人同名注拒之閏月

甲子克晉安塞唐將張敬達死之敬達在圍八十餘

日內外隔絕軍儲殆盡至濯馬糞木屑以飼馬馬饑

至自相啖其驥毛死則以充食光遠等勸敬達出降

敬達曰吾有死而已爾次降斬吾首以降光遠與

安審琦遂殺之

攷異薛史謂審琦爲先鋒前已叛以降此云與光遠殺敬達所載各異以

其首出降帝嘉其忠命以禮收葬謂左右曰凡爲人

臣當如此也所降軍士及馬五千匹以賜晉帝

攷異歐史

書光遠殺敬達注云敬達不書死之而書殺者敬達

大將宜以義責光遠而誅之雖不果而見殺猶爲得

死乃諷其殺已以叛故書之如其志通鑑云行周知

光遠欲圖敬達常引壯士尾而衛之敬達謂人曰行

周每踵吾後何意也行周乃不敢隨遂遇害馬軍都

指揮康思立憤惋而死時晉安寨馬猶近五千鎧仗

五萬悉取以歸其國以唐之將卒授帝語之曰勉事

汝主薛史云敬達性剛號張生鐵時德光顧謂光遠

曰汝輩大是惡漢兒不用鹽酪食却丙寅祀天地以

一萬匹戰馬光遠等大慙紀均未載

告成功庚午僕射蕭庫克克齊原作酷奏趙德鈞等

諸援兵將遁詔夜發兵追擊德鈞等軍皆投戈棄甲

自相蹂踐擠於山谷者不可勝紀仍命皇太子馳輕

騎據險要追及步兵萬餘悉降之辛未度圍柏谷德

騎據險要追及步兵萬餘悉降之辛未度圍柏谷德

騎據險要追及步兵萬餘悉降之辛未度圍柏谷德

騎據險要追及步兵萬餘悉降之辛未度圍柏谷德

鈞父子率眾降次潞州

方輿紀要云古赤狄潞子國亦爲上黨郡北周號潞州唐

建昭義軍宋改隆德府明爲潞安府縣七攷異輿地廣記云春秋時爲黎侯赤狄奪其地而潞子嬰兒爲

晉滅地屬晉戰國曰上黨爲韓別都秦立上黨郡後周立潞州隋曰韓州唐升昭義軍今改昭德軍又爲

隆德軍縣入上黨屯留襄垣潞城黎城壺關長子涉縣 召諸將議皆請班師從

之命南宰相吉林

原作解領

呼喇台等先還壬申特哩袞

幹

原作注

林牙德勒賓

原作離畢

來獻俘晉帝辭歸帝與

飲宴酒酣執手約爲父子以白貂裘一廢馬二十戰

馬千二百賜之命德勒賓

攷異通鑑作太相温錢大昕作大相温云卽詳穩通

鑑輯覽作高謨翰所載各異按耶律圖魯卜傳初伐唐從爲左翼降霞沙寨至是送敬瑭入洛及大冊總

禮儀事加太尉字鐸 將五千騎送入洛臨別謂之曰

袞巴古濟孫紀未載

朕留此候亂定乃還耳辛巳晉帝至河陽唐主窮蹙

召八皇王貝同死不從遣人殺之

攷異通鑑云殺之者宦者秦繼昺皇

城使李彥紳紀未載

遂舉族自焚

攷異通鑑云唐主聞光遠降衆議幸魏州召李崧謀薛文

遇繼至主色變崧躡文遇足乃去主曰我見此物肉

顏幾欲抽佩刀刺之崧曰文遇小人淺謀誤國刺之

益醜因勸南還從之王禹偁五代史闕文云帝至自

覃懷京師父老迎上東門外勸幸蜀圖進取帝曰本

朝兩川皆用文臣故元宗僖宗避寇幸蜀今孟氏稱

尊吾安歸乎因慟哭而入秦再思洛中紀異錄云先

是甲子至清泰丙申歲云數在五樓前但看八九月

戎虜亂中原後於太原南五樓村大戰至九月契丹

至太原敗城下卽其應薛史云末帝時鄴西李固柵

橋下鼠與蛇鬪及日之申蛇不勝而死後果滅於申

又末帝舊廬在常山有古佛剎石像搖動不已人皆

異之尹洙五代春秋云辛巳唐帝崩於元武樓王應麟

五代會要云閏月二十九日遇難崩於後樓王應麟

困學紀聞云天子之廢置出於士卒自唐明宗始也

明宗以此得之而反爾之報在其後人所載較詳詔收其士卒戰沒者瘞之

汾水上

續通考云汾水源出崑崙州流經靈石趙城
洪洞臨汾歷襄陵太平絳州稷山河津滎河

入於黃河以爲京觀十二月乙酉朔遣近侍塔魯

原作捷魯攷異

陳浩遼史攷證云卷十聖宗統和元年伶人卷二十
六道宗壽隆三年燕國王延禧子三人同名捷魯

存問晉帝

攷異通鑑云帝如河陽餞太相溫及契丹
兵歸國紀未載薛史云初唐帝在懷州遣

呂琦賚都統使官告賜德鈞且犒軍及觀軍北睡館

於忻州會晉克晉安寨遣使告近郡琦斬其使尋率

兵千人間道歸高祖入

治不之罪授祕書監 丙戌以晉安所獲分賜將校

戊子遣使馳報皇太后及諸道師還庚寅發太原壬

辰次細河閤降將趙德鈞父子兵馬

攷異羣書會元
截江綱云太宗

既平太原遂觀兵范陽得汾晉

幽薊之馬凡四萬二千餘匹 戊戌次雁門以沙太

保所部兵分隸諸將庚戌幸應州

在大同府南百二十里攷異地理志

云後唐明宗應州人天成元年升彰國軍節度興唐

軍寰州隸焉王應麟通鑑地理通釋引宋白續通典

云故屬大同軍輿地廣記云唐末置領金城渾源二

縣孫體元大同志云龍首山在應州城北山之南雁

門山在應州城南山之北兩山相望又金鳳城在應

州城東北天王祠前後唐明宗生此中有金鳳井潘

自牧記纂淵海云金鳳井在州治相傳李克用生時

金鳳自井中飛出厲鴉非之談遷棗林雜俎云應州

治西佛寺遼清甯二年田和尚奉勅立石有塔高三

百六十尺城內有一經樓遼郎中邢簡妻陳氏教子

讀書處又龍首書院在應州西南遼翰癸丑唐大同

林學士邢抱朴建見汪承爵大同府志

彰德振武三節度使迎見留之不遣攷異地理志云

觀音像軍還入幽州幸大悲閣指此像曰我夢神人

令送石郎爲中國帝卽此因移木葉山建廟告賽尊

爲家神紀未載元一統志云大悲閣在舊城之中建

自有唐至遼開泰中重修聖宗遇雨飛駕來臨改寺

聖恩而闕隸焉金皇統九年重葺元至元壬午春復
修中奉大夫領道教事安藏撰記二十四年四月立
石元納新金臺集云大悲閣榜唐虞世南所書宋華
筠廊偶筆云應州木塔甚奇馮訥生主政雲驤有登
塔詩一帙序略曰塔建自遼疊
木爲之七級八面高見數十里

十二年春正月丙辰次堆子口唐大同軍節度判官

吳巒閉城拒守命崔廷勳圍其城帝至城下親諭之

乃降改異歐史吳巒傳字寶川鄆州盧縣人時節度

月晉高祖義之致書契丹執城中推巒主州事圍攻凡七

副使後守貝州城破投井死會同七年太宗紀亦載

之此云巒降疑誤通鑑目錄時契丹主磴奚王李緡

威骨攻雲州不能下帝召吳巒歸時應州指揮使郭

崇威亦取臣契丹拔身南歸田况儒林公議云契丹
自阿保機雄據燕北諸戎皆爲所制所得中國錦綺
藉地令踐之曰我國他日富盛是當踐之也迨石晉
求援得山後地失控壓之要廢之無全策矣每興兵

援塞傳一矢爲信奔會無敢後期戰必銜枚各有部
陳晝戰則望旌旗夜或鳴鉦吹蠶角爲禽鳥聲各自
撤卷而去至明不遺一旗軍令至峻什伯相分急不
赴救則併誅之故多死戰者儀衛志云自達呼爾氏
入部用兵則合契而動不過刻木爲胖合太祖受命
易以金魚金符七枚黃金鑄長六寸各有字號每
魚小左右判合之有事以左半先授守將使者執右半
大小長短字號合同然後發兵事訖歸於內府契丹
國志云鑄金魚符調發兵馬其捉馬及傳命有銀牌
二百軍所舍有遠探闌子馬以查人馬之聲王易燕
北錄云銀牌有三道上戎主下及契丹臣庶每年取
初降雪時帶用續通考云遼御帳親軍有大帳皮室
軍太宗置凡三十萬騎有屬珊軍地皇后置凡二十
萬騎腹心曰皮室精美如珊瑚者曰屬珊宮衛騎軍
太祖以迭刺部受禪分本部爲五院統以皇族而親
衛缺然乃立幹魯朶法裂州縣割戶丁以建宮衛入
則居守出則扈從葬則用司傳檄而集不待調發而
州凡十二宮一府各提轄司傳檄而集不待調發而
十萬精騎立具此軍制之良者也外有舍利軍郎君
軍各拽刺軍墨離軍礮竿軍弩手軍鐵林軍鷹軍鵠

軍鳳軍龍軍虎軍熊軍左右鐵鶴子軍龍衛軍威
軍天雲軍特軍蒲軍三越王軍麻答軍五押軍分
軍北府守衛四邊凡兵民年十五以上五十以下
籍舉兵時選兵馬尤精銳者三萬爲護駕軍又驍勇
三于爲先鋒軍剝悍百人爲遠探子軍又抽立一
隊爲騰遞公事出兵不過九月師還不過十二月正
路不得見僧尼喪服人軍分三路聖駕居中重臣專
征兵不過十萬不設槍營塹柵之備軍行鼓三伐
不問晝夜大衆齊發多伏兵斷糧道冒夜舉火上風
叟柴饋餉自賚善戰耐寒此其大略也胡三省通鑑
注云契丹謂精騎爲鐵鶴以其身披鐵甲而馳突輕
疾如鶴之搏鳥雀也武珪燕北雜記云遼行軍不擇
日用艾和馬糞於白羊毳琵琶骨下灸之破則否則
不出番兵每遇午日不逢兵亦須排陣向西大喊十
聲言午是番家大王之日李治敬齋古今難云灸十
琵琶骨不獨契丹凡蠻貊皆爲之番禹記載嶺表占
甚多有骨卜田螺卜雞卵卜牛卜鼠米卜箸卜篋卜
乃知四夷尙鬼遇物皆得以爲卜也今北方灸琵琶
骨珪記特異所灸之法蓋有可入不可入者疾病飲

食一動一止皆有條理珪所說祇據當時所見云耳
沈括夢溪筆談云西戎用羊卜曰跋焦卜師曰厮乂
以艾炙羊脾骨視其兆曰死跋焦又有先呪粟以食
羊羊食其粟則自搖其首乃殺羊視其五臟曰生跋
焦土人尤神之方勺泊宅編云契丹當強盛時四夷
役屬貢奉不絕惟與中原爲敵國兵馬畧集便有百
萬多作大舟安四輪陸行以載輜重過塊水黃河則
脫輪以渡人馬亦欲自滄州東泛海而來爲牽制倚
角之勢富鄭公云能改齋漫錄曰遼兵將戰則選兵
爲三等騎射最精者給十分衣甲處陣後次給五分
居中下則不給處於前行故未嘗教閱而皆習騎射史多未載

遼史紀事本末卷十一

馳封資政大夫特賞內閣中書前江西峽江訓導李有棠編纂

石晉背盟

太宗天顯十一年秋八月庚午自將往援唐河東節

度使石敬瑭

攷異薛史云太原人本衛石碯後漢丞相奮之裔父諱紹雍卒贈太傅歐史云

父臬揆雜仕唐爲洛州刺史其姓石氏不知其所始周密齊東野語云高祖諱敬瑭拆敬字爲文氏苟氏

至漢時

冬十一月丁酉冊敬瑭爲大晉皇帝

攷異薛史載冊

文曰維天顯九年歲次丙申十一月十二日丁酉大契丹皇帝若曰於戲元氣肇開樹之以君天命不恒

人輔以德故商政衰而周道盛秦德亂而漢圖昌人事天心古今靡異咨爾子晉王神鍾睿哲天贊英雄

叶夢日以儲祥應澄河而啟運迨事數帝歷試諸艱武略文經乃由天縱忠規孝節固自生知猥以眇躬

遼史紀事本末

卷十一

一

奄有北土暨明宗之享國也與我先哲王保奉明契
所期子孫順承患難相濟丹書未泯白日難欺顧子
纂承匪敢失墜爾惟近戚實係本枝所以子視爾猶
子爾待子猶父也朕昨以獨夫從珂本非公族竊據
寶圖棄義忘恩逆天暴物誅翦骨肉離間忠良聽任
矯誣威虐黎獻華夷震悚內外崩離知爾無辜為彼
致害敢徵眾旅來逼嚴城雖併吞之志甚堅而幽顯
之情何負達子聞聽深激憤驚乃命與師為爾除患
親提萬旅遠殄羣寇但赴急難罔辭艱險果見神祚
助順卿士協謀旌一麾而棄甲平山鼓三作而殲屍
徧野雖已遂予本志快彼羣心將期稅駕金河班師
玉塞矧今日中原無主四海未甯茫茫生民若墜塗
炭萬幾不可以暫廢大寶不可以久虛拯溺救焚當
在此日爾有庇民之德格於上下爾有勘亂之勳光
於區宇爾有無私之行通乎神明爾有不言之信彰
乎兆庶予懋乃德嘉乃丕績天之厯數在爾躬用命
爾踐皇極以爾自茲并土首建義旗國號曰晉朕永
爲父子之邦保山河之誓於戲補百王之闕禮行茲
盛典成千秋之大義遂我初心爾其永保兆民勉持
一德慎乃有位允執厥中亦惟無疆之休其誠之哉

禮畢導從而歸所載較詳十二月晉帝入洛唐主從珂自焚死晉

命桑維翰爲文紀帝功德攷異通鑑云初契丹主謂

爲相丙寅以趙瑩爲門下侍郎維翰爲中書侍郎並

同平章事嘗出其諸子令自擇主指重貴曰此大目

者可也遂以爲北京帝命近侍塔魯原作存問晉帝

留守鎮河東紀未載捷魯存問晉帝原作撫

庚寅發太原聞洛陽旣克遣卽君濟勒台原作解

慰之攷異王仁裕玉堂閒話云晉祖在并部晝夢至

西向坐帝馳車去以告羣僚莫敢答蓋懷不軌之志

久矣孫光憲北夢瑣言云梁初潞州李思安奏壺關

縣庶禳鄉人伐樹倒自分兩片內有六字曰天十四

載石進圖狀以獻付史館至是石氏稱晉馬希範解

釋表聞徐鉉稽神錄云時司馬少監徐鴻日嘗以丙

申之年有石氏王此移四字中二畫置天字左右卽

丙字移四之外圍以十字貫之卽申字晉後以丙申

與如其言王禹偁五代史闕文云天祐十二年癸未

意史紀事本末

卷十一

二

莊宗改同光至是歲丙申凡十
四載故謙云云拆字解之非也

十二年春二月癸卯晉遣唐所掠郎君塔克原作文

班吏蕭岱爾原作還朝三月庚申晉遣使來貢丁卯

晉天雄節度使范延廣請內附不許使郎君達里庫

原作的美楞原作德略原作使晉秋八月庚子晉遣

使以都汴及討降范延廣來告致異通鑑云晉遣楊

以太子太師致仕居大梁為光遠害歐史云初秘瓊

殺董溫琪取其貨延光殺瓊而取之終以貨為光遠

所殺而光遠後又為何延祚所害薛史云延光據鄴

城叛誘東都巡檢張從賓反據洛陽害皇子重信及

重又為杜重威敗湖死歐史又云從賓戰河陽殺重

度重又時為東京留守均見殺是後信使不絕是

與晉紀異見吳縝五代史纂誤

年晉西遣使來上尊號及歸雁門以北與幽薊之地

并歲貢帛三十萬匹詔不許及異歐史云天福二年

里來四月遣使契丹契丹使宮苑使李可興來六月

月使契丹契丹使宮苑使李可興來六月載較詳又云歲輸帛三萬匹王溥

五代自契丹云歲輸帛三萬匹王溥

會同元年夏五月甲寅晉復遣使請上尊號從之秋

七月癸亥遣使賜晉馬丁卯遣呼喇台原作鶻使晉

及遣中臺省右相耶律蘇呼原作述蘭特爾格原作迭

使晉臨海節度使趙思溫副之述蘭而牒蠟之轉聲

即迭烈哥係一人又紀作元年事傳冊晉帝為英武

明義皇帝約不稱臣更表為書稱兒皇帝如家人禮

薛史晉頻作韓頰何焯讀書記云梁唐皆郊見後受
尊號晉則以契丹爲天矣路振九國志云晉天福
中契丹使至以近侍李泳爲監伴使有判官幽冀人
謂泳曰吳越王常不睡乎詰其故答曰嘗聞五臺山
王子大師曰浙中冬十一月丙午帝御開皇殿攷異
不睡龍今已歸矣志云太祖平渤海歸乃展郭建宮室起三大殿曰
開皇安德五鑿中有歷代帝王御容每月朔望節辰
忌日文武百官赴祭又於內城東南隅建天雄寺奉
安烈考宣簡皇帝遺像及太宗受晉尊號御開皇殿
闕承天門受禮因改皇都爲上京幅員二十七里東
曰迎春日雁兒南曰順陽西曰金鳳日西雁兒曰南
福北日皇城高三丈有樓櫓門東曰安東南曰大順
西曰乾德北日拱宸中有大內內南門日承天有樓
閣東華西華二門此通召見晉使馮道劉昫等遂冊
內出入之所所載甚詳

上兩宮尊號

攷異王溥等周世宗實錄云晉命兵部
尚書王權獻徽號辭以老病命道無

難色歐史云權當奉使契丹歎曰我雖不才安能稽
顙於穹廬乎因辭坐停任薛史亦謂權不欲臣事故

辭非避事以遠命也踰歲起太子少傅致仕卒時道
使契丹將至西樓主欲郊迎其臣曰天子無迎宰相
之禮乃止其名動殊俗如此又副劉昫者常侍韋勳
至太后冊禮使爲給事中盧進史謂韋勳副道盧重
副昫所載各異叢苑云虜以道有重名命與其相同
列賜牙笏及臘月牛頭皆殊禮以詩謝云牛頭偏得
賜象笏更容持大寒賜錦襖貂裘貂裘均紀以
詩阮閱詩話總龜云道歸作詩五章述使意首章云
去年今日奉皇華祇爲朝廷不爲家殿上一杯天子
泣門前雙節國人嗟龍荒冬往時時雪兔苑春歸處
處花上下一行如骨肉幾人身死掩黃沙其在北廷
入謁時悉披四襖夜宿館中并覆三衾詩曰朝披四
襖專藏手夜蓋三衾怕露頭王易燕北錄云牛頭者
正本草所著東海之魚其頭如牛者非真牛頭也是
鱒魚之大者潘自牧記纂淵海云
易州西大甯山有馮道吟詩臺云
公卿百官皆做中

國并參用中國人是月晉復遣趙瑩來賀并以幽薊

十六州及圖籍來獻十二月戊戌遣通果原作阿巴

同括

原作阿鉢攻異太祖紀將使晉割加晉馮道劉昫等
軍又叛黨三人同名阿鉢使晉割加晉馮道劉昫等
官有差戶居漢城別爲一部治之或在炭山南有鹽
池之利卽後魏滑鹽縣也八部皆取食之及征幽薊
還次於和拉傑命取鹽給軍自後漢中鹽益多上下
足用會同中晉獻十六州地而鹽莫在焉始得河間
煮海之利置榷鹽院於香河縣燕雲迤邐北皆食滄鹽
產鹽之地如渤海鎮城海陽豐州湯洛城廣濟湖等
處五京計司各以其地領之其煎取之制歲出之額
不可得而詳矣按十六州之割綱目與歐史俱載於
去年與史異時唐尙未亡德鈞方鎮盧龍當以史爲
得實通鑑云是歲晉用楊光遠言罷桑維翰樞密以
劉處讓代明年處讓遣母喪遂廢院以印付中書尋
出維翰鎮相州代以馮道事無鉅細皆委之通鑑目
錄時契丹趙思溫請以盧龍內附帝不許時思溫子
延照在晉爲祁州刺史故也史未載

二年春正月戊申晉遣使來貢珍幣命分賜羣臣秋

閏七月乙酉遣廸里

原作的烈致異卷六十六皇族表德祖系平章亦名的烈另一

人賜晉良馬八月乙丑晉復遣使貢歲幣奏輸戊亥

二歲金幣於燕京

致異通鑑云晉帝事契丹甚謹歲幣外贈遺珍玩相繼於道至太后

太子王大臣皆有賂遺小不如意輒來責讓使者至契丹國人驕倨多不遜語朝廷恥之而帝意不倦史

載未

三年春正月壬辰遣陪謁阿巴使晉致生辰禮晉以

并鎮忻代之吐谷渾來歸

致異歐史云晉使供奉官張澄以兵二千索并鎮忻

代山谷中吐渾驅出塞尋復來重榮卒納之薛史云吐渾都督白承祐爲契丹所逼舉衆內附不納鎮州

安重榮患契丹之強謀攻襲戎使往來眞定者皆潛害之密與吐渾相結至是納焉而致於朝載在天福

五年十二月六年正月始逐歸故土按天福五年乃會同三年也通鑑亦同均與史異王溥五代會要云

遼史紀事本末

卷十一

五

六年正月命吐渾還舊土然以契丹誅求無厭心不平之命漢高祖鎮太原潛加撫慰其年五月其酋白承福及麾里念虎里赫連功德等來朝又異

三月己巳如南京晉遣使來

觀秋七月己卯以安重榮

小字鐵胡朔州人

據鎮州叛晉詔

嚴邊備辛卯晉遣使請行南郊禮許之

四年春二月己未晉遣楊彥詢

字成章河中寶鼎人

來貢且言

安重榮跋扈狀遂留不遣安重榮執遼使伊喇

攷異宏簡

錄作拽刺又彥詢使契丹通鑑作九月王溥五代會要云時重榮執伊喇等以輕騎襲幽州之南界高祖屢詔開諭不從竟誅伊喇等馳檄天下薛史云高祖慮契丹怒重榮殺行人命邢州節度使楊彥詢由滄州入蕃為戎主言非高祖意如人家惡子無知之何尋聞其犯闕乃放還歐史云彥詢數往來戎帳德光亦愛其為人時重榮請用吐渾攻契丹高祖意未決維翰上疏力言不可與契丹爭者七乃不用重榮言

然重榮雖欲襲契丹反遣人陰與幽州節度使劉晞

相結契丹亦利晉多事期兩做之因窺中國故不怒

重榮也按晞涿州人父濟雍為本部諸邑令長晞少

以儒學稱鄉里嘗為唐將周德威從事後陷蕃為燕

京留守應平章兼侍中會三知貢舉從入汴授洛京

留守會河陽軍亂晞走許州奔東京隨蕭翰北歸至

鎮州與麻答同奔定州沒於北蕃契丹國志云次子

珂尚世宗妹燕國公主少善射以才能稱從太宗南

牧戩定州時深入帝馬陷泥濘中珂下馬奉之出身

被數十創遷林牙西北招討使從入汴同知京府事

歷南樞密夏四月己卯晉遣使進櫻桃攷異歷象志

使封吳王五月庚辰吐谷渾額爾奇木蘇等叛

己卯日恐誤

入晉遣德略原作牒蠟往諭晉及太原守臣冬十一月丙

寅晉以討安重榮來告未幾平之攷異歐史云時遣杜重威攻城其將

趙彥之出降重榮獨守牙城重威擒之斬其首以獻

高祖御樓受俘王溥五代會要云重威討重榮至貝

卷已巳事本末

州宗城縣與戰大敗之至七年正月克鎮州斬重榮
蓋在會同五年也所載年月各異陶岳五代史補云
重榮初欲叛未發廢中產朱駿白馬有鴉生五色雞
以爲鳳遂謂天命在己舉兵反令取宗嶺路向闕父
老竊議曰事不諧矣且王姓安氏鞍得背而穩何不
取路貝州若由宗嶺是鞍及於駿得無危乎未幾與
王師遇一戰遂遣楊彥詢歸并罷戍兵攷異通鑑目
錄南唐遣使
假道於晉以
通契丹不許

五年春正月戊辰晉函安重榮首來獻

攷異通鑑云
振武安從進

時亦據襄州叛與重榮通

夏六月乙丑晉主敬瑄

子重貴立

攷異通鑑云契丹以晉招納吐渾遣使詰
讓帝憂也不知爲計五月己亥始有疾命

幼子重睿出拜馮道令撫立之及殂道與景延廣謀
立長君奉重貴延廣恃功始用事加平章總宿衛兵
冊府元龜云少帝初爲金吾衛上將軍天福三年從
幸大名大旱遣祈雨白龍潭白龍見樹雨尺餘人咸

異之陶穀清異錄云出帝不善詩時爲俳語詠天曰
高平上監碧翁薛史云人謂少帝曰馮道治平時

宰相不可濟艱難如禪僧遣使來告哀輟朝七日使
不可呼鷹耳因出鎮同州

人如晉弔祭攷異王溥五代會要云五月契丹遣郎
五來致弔兼獻衣服鞍馬薛史云八月

契丹遣使致慰禮馬二十四匹及羅秋七月庚寅晉遣
絹其主母亦遣使來慰所載較詳

金吾衛大將軍梁言判四方館事朱崇節來謝書稱

孫不稱臣命客省使喬榮攷異張昭等漢隱帝實錄
作喬榮范質陷蕃記作喬

瑩今從實正固等晉少帝蘇逢吉讓之景延廣答曰
等漢高祖實錄景延廣傳契丹傳

先帝則聖朝所立今主乃我國自冊爲隣稱孫則可

奉表稱臣則不可榮還具奏之帝始有南伐意攷異
通鑑

云初河陽牙將喬榮從趙延壽入契丹爲回圖使往
來販易置邸大梁至是延廣說帝囚榮於獄取其資

他販易者皆殺之因諸大臣言遣歸辭曰延廣大言
無稱臣理且言勿信延壽誑誘侮中國翁怒則來戰
孫有十萬橫磨劍足以相待他日爲孫敗無悔且命
吏書其語授榮榮還奏入寇志始決晉使皆繫之幽
州李崧桑維翰諫知遠不敢言馮道依違而已所
載較詳按回國使回國務之使也薛史作迴國使丁
未晉遣使以祖母哀來告甲子晉復襄州戊辰詔河
東節度使劉知遠送叛臣烏爾古原作烏古指揮使由燕
京赴闕攷異冊府元龜云知遠時奏往例每年押送
產常物廢而不行癸酉遣天城節度使蕭拜牲原作
必啟戎心以生怨弔祭於晉攷異王溥五代會要作十月云使大卿以
也故九月壬辰遣使賀晉帝嗣位冬十二月癸亥晉遣

使來謝

六年春二月乙卯晉遣使進先帝遺物辛酉晉遣使

請居汴許之三月丁未晉以至汴遣使來謝

攷異王仁裕玉

堂間話云晉初都洛丙申年春翰林學士王仁裕夜直闔禁中蒲牢發聲索索如破裂者旬餘同職莫解其年高祖遷汴石渠金馬移在雪宮迄今三十年矣索索之兆信而有徵按高祖篡立係丙申歲卽請都汴茲特以常居重行申請耳夏五月己亥遣使如晉致生辰禮秋

八月己未帝如奉聖州晉遣其子延煦來朝冬十一

月辛卯上京留守耶律廸輦得晉謀知有二心十二

月丁未如南京議侵晉命趙延壽趙延昭

攷異通鑑作延照思

溫安圖原作嘉哩原作解里字布等由滄恒易定分

子安圖原安端道而進諸軍繼之攷異通鑑云時晉閭境旱蝗使者括民穀督責嚴急縣令多投劾去

民餒死者數十萬流亡無數節鎮咸獻粟帛以助國
平盧楊光遠密告契丹言晉一舉可取延壽力勸之
使將五萬兵經略中國晉城南樂及德清軍徵兵備
之方輿紀要云德清軍本頓邱縣地在大名府清豐
縣西三十里去檀州六十里契丹屯元城僞棄城去
伏精騎於古頓邱城晉軍不出復圍檀州卽此處也
史均未載

七年春正月甲戌朔趙延壽延昭率前鋒五萬騎次

任邱在河間北七十里宋爲莫州治丙子安圖入雁門圍忻代己卯

趙延壽圍貝州方輿紀要云在廣平府清河縣東秦爲鉅鹿郡漢爲清河國其軍

校邵珂開南門納國兵太守吳巒投井死攷異歐史

國來寇分其衆爲三西出雁門攻忻代冠太原知遠
敗之於秀容自鴉鳴谷遁去東至河陷博州應光遠
自與延壽南攻陷貝州通鑑云太原奏破契丹偉王
於秀容斬首三千級朝廷以貝州水陸要衝多聚芻

粟爲數年軍儲時邵珂爲節度王令溫所黜怨望以
遼兵來會令溫入朝巒知州事河守南門引兵入城
破死者萬人軍儲盡喪薛史云是夕陣雲掩北斗之
魁星乙未大霧中有白虹相偶占者曰斯爲海淫其
下必將有戰未幾契丹大至陳攻具於四墉戎主親
率步奚及渤海奚等四面進攻巒衆投薪於夾城中
繼以炬火敵之梯衝焚蕪殆盡及貝州陷時唐景思
官行軍司馬爲延壽得署壕砦使授亳州防禦使毫
民少安終己丑次元城授延壽魏博等州節度使封
濠州刺史

魏王率所部屯南樂

攷異方輿紀要云元城縣爲大
名府附郭邑故城在府東卽故

王莽城魏州後周置卽鄴都亦曰天雄軍宋建爲北

京南樂在大名府東南四十里王溥五代會要云時

以延壽門人高融爲節度副使統

丙申遣兵攻黎陽

步奚及燕軍數萬營南康史未載

攷異方輿紀要云黎陽廢縣在大
名府濬縣西二里爲袁曹相持處

晉將張彥澤來拒名府濬縣西二里爲袁曹相持處

晉開運二年令彥澤屯黎陽備契丹三年契丹犯相
州張從恩等自相州東趨黎陽倉南保大河以拒之

即此史 辛丑晉遣使來修好詔割河北諸州

唐貞觀中分十

道河北領懷魏博相衛貝邢洺恒冀深趙滄德易定

幽瀛燕北燕恒營平等州攷異輿地廣記云分河北

為東西路東領開德河間滄冀博棣莫雄霸德恩濱

清永靜信安保定西領真定相中山邢懷衛洺深磁

邢趙保安肅永及遣桑維翰景延廣來議云時延廣

甯廣信順安 為御營使高行周為都部署以騎兵先發方略號令

出延廣乘勢使氣陵侮諸將雖天子不能制帝至澶

州遣彥澤拒於黎陽渡使譯者致書修好遼主曰已

成之勢不可改也方輿紀要云契丹入寇建牙元氏

令延廣自滑州引兵守胡良渡以備之在滑縣東北

薛史云契丹退延廣猶閉柵自固眾譏其憊聞母喪

無戚容與太常丞王緒有隙誣奏棄市少時泛洞庭

遇風帆裂柁折舟人謂曰聖賢來護中有異人參獲

焉二月甲辰朔史脫一朔字 攻博州輿地廣記云

漢屬東郡晉屬平原自宋分置魏郡後魏曰平原郡

隋為博州唐為博平郡今為東昌府縣四瑯琊高原唐

堂邑刺史周儒以城降晉平盧節度使楊光遠密道

國兵自馬家口濟河晉將景延廣命石斌守麻家口

在濮州白再榮守馬家口未幾周儒引滿達原作營

於河東攻鄆州北津方輿紀要云鄆州今東平州在

在州西北攷異輿地廣記云鄆州春秋爲須句國漢

屬東郡東平國隋立鄆州後爲東平郡唐爲鄆州及

廢濟州入焉今升大都督府縣六以應光遠晉遣李

須城陽穀中都東河壽張平陰

守貞河陽人皇甫遇常山人梁漢璋應州人薛懷讓將兵萬

人緣河水陸俱進攷異歐史云時蕃漢相距漕魏間

重兵大將守博州渡使周儒得引契丹東過河與光

遠合則河南危矣乃遣守貞等以兵萬人沿河而下

奪擊敗之始與光遠隔絕皇甫遇與契丹戰於鄆州

北津大破之溺死者數千人以功拜滑州節度使史

記本卡

未嘗國兵圍晉別將於戚城晉主自將救之國兵解

去政異通鑑云遼兵圍高行周符彥卿石公壩於戚城先是延廣令諸將畫地分守毋得相救行周等

告急晉主救之乃解去三將泣守貞等至馬家口滿

訴救兵之緩幾不免所載較詳

達等遣步卒萬人築營壘騎兵萬人守於外餘兵屯

河西渡未已晉軍薄之國兵不利政異通鑑云遼築

之遼兵大敗殺溺死者計萬人河西之兵慟哭而去

由是不敢復東初遼得貝博皆撫慰其人至是始忿

所得輒殺之晉人憤怒戮力爭奮冊府元龜云是役

也執賊將莫城義節樓使崔裕先鋒梁思榮契丹大

首領信悉兵馬都監嘗尊王令威吐渾將黨大地羽

林使閻令省軍校張興王伏卿張令霸等魁首七十
八人部典節級五百人送行在厲鷄遼史拾遺謂莫
城義節樓使六字疑棄本有誤薛史云夏州李彝殷
以兵四萬抵麟州渡河侵遼境以牽制之授招討使
易州刺史安審約禦之於北平敵退保祁溝關斷其

橋梁而還癸丑日有黃白暈二白虹貫日而行
冀州刺史李瓊奏破敵兵於城下史均未載
三月

癸酉朔趙延壽言晉諸軍沿河置寨皆畏怯不敢戰

若率大兵直抵澶淵

方輿紀要云宋爲澶州卽今開州烽火臺在州東南志云澶

間濱河遠近多邱阜或十餘畝或二三十畝皆石晉所築以備契丹者攷異輿地廣記云北朝開德府秦爲東郡晉屬濮陽國頓邱郡晉移濮陽於澶州南郭爲治升鎮甯軍今爲開德府縣七濮陽觀城臨河清豐衛津朝

城南樂

據其橋梁晉必可取是日晉兵據澶淵其

前軍高行周在戚城乃命延壽延昭以數萬騎出行

周右帝以精兵出其左戰至暮復以勁騎突其中軍

晉軍不能戰會謀言晉軍東面數少沿河城寨不固

乃急擊其東偏衆皆奔潰縱兵追及遂大敗之

攷異東都

事略云時河陽節度符彥卿拒戰於瀘淵敵騎數萬圍行周於鐵邱彥卿力戰乃解去行周賴以免通鑑云主見晉兵盛曰楊光遠言晉軍半餒死今何多以精騎左右略陳晉軍不動萬弩齊發遼軍卻兩軍死者衆昏後遼兵引去延廣不敢追北歸所遇焚掠殆盡歐史云冀州刺史白從暉敗契丹於衡水威城只書戰未言

壬午留趙延昭守貝州徙俘戶於內地夏

四月癸丑還次南京辛未如涼陁

攷異通鑑云晉主命行周鎮瀘州還

大梁延廣既爲上下所惡晉主亦釋之維翰論其不救威城罪改西京留守命行周總宿衛延廣鬱鬱不得志日夕縱酒罷馮道以維翰代數月之間朝廷差治薛史云延廣罷置酒宮中謂曰卿有佐命功保護伊洛非酬庸地解御衣寶帶賜之後奉詔還屯孟津出府門馬騰立幾墜地乃易乘行人知不詳

五月癸酉耶律巴哩岱

原作拔里得字奏破德州擒

刺史尹居璠及將吏二十七人

攷異巴哩岱傳作師居璠通鑑謂係麻答

事歐史云德州陷沿海巡檢使梁進復之馬全節敗
契丹於定豐執其將安暉通鑑目錄楊光遠團棧州
李瓊擊走之輿地廣記云德州秦屬齊郡二漢爲平
原郡晉爲平原國隋置德州復爲平原郡唐因之縣
二安德平原棧州秦屬齊郡宋爲樂陵郡唐號棧州
又爲樂安郡縣三厭次商河陽信方輿紀要云德州
在濟南府西北二百八十里棧州
今武定府在府東北二百四十里

秋七月己卯晉楊

光遠遣人奉蠟丸書

攷異通鑑目錄晉命李守貞討
光遠於青州契丹來救薛可言

擊敗之辛卯晉遣張暉奉表乞和留不遣八月晉鎮

州兵來襲飛狐大同節度使耶律恭噶

原作孔阿戰敗之

攷異薛史云七月晉大赦改元開運是日大雷雨都
下震死者數百人明德門內震落石龍首議者謂石
乃國姓蓋不祥之兆八月甲辰夜熒惑入南斗時命
十五將禦契丹冊府元龜載制書略曰宣王講武逐
獫狁於太原漢帝出師走匈奴於瀚海是知蠻夷滑
夏不能絕之於古今戎狄無厭不能拘之以信義契

丹貪殘滋甚，窮縱異常，通使命於江淮，徵貢輸於郡國。苞藏既久，姦譎漸萌。既而與議道諱，羣情憤激。軍民扼腕，中外同辭。請興貔虎之師，以遏豺狼之患。朕志平寇難，不敢荒甯。親率全師，恭行天討。庶幾一舉永靖。三邊同辭，柳沐之勞，用拯生靈之害。得不精求將帥，慎採偏裨，冀成破竹之功。以拯折膠之寇。云云。詞多不具。載契丹國志云：九月，遼師攻遂城，樂壽白文珂戰於七里烽。遼師敗績，通鑑云：丙子，契丹攻遂城，樂壽、深州刺史史康彥進擊卻之。薛史云：壬辰，代州刺史史白文珂及契丹戰於七里烽，敗之。史均未載。

冬十一月壬申，詔徵諸道兵以閏月朔會溫榆河北。

攷異：方輿紀要作濕榆河，在昌平州南二十里。源出軍都山，或訛作溫。非。崔學履昌平州志云：涇榆河在州治東南五十里。顧炎武昌平山水記云：溫餘河即昌平之榆河。下流爲沙河，入順義西南界。下至通州入潞河。順義謂之西河，金名縣曰溫陽。以此遼史作溫榆河。本水經之濕餘河以字相似而訛也。朱彝尊曰：下舊聞云：後漢書王霸爲上谷太守，陳委輸可從。溫水漕以省陸轉輸之勞，事皆施行。章懷太子注引。

水經注作温餘水遼史順州有温榆河金更懷柔縣
爲温陽豈盡無據又昌平多温泉有流入雙塔河者
温餘之名竊疑因此水經注既無善本今人習見坊
刻遂指温字爲濕字之訛非也楊霆順義縣志云温
榆河在縣治西南三十里起於口北由沙河下達於
漕河中有三渡俗名葦溝河日下舊聞考云據說文
則濕水爲灤水之訛通鑑目錄時晉遣張從恩擊貝
州趙延照走契丹欲徙河西民於遼東折從阮拒境
不從紀
未載
十二月癸卯南侵甲子次古北口閏月己巳

朔閱諸道兵於温榆河己卯圍恒州下其九縣

攷異薛史

九縣爲彭城藁城元氏高邑昭慶甯晉蒲澤樂城柏鄉歐史下九縣繫於明年正月通鑑云是月晉師圍青州光遠子承勳劫父降守貞拉殺之以病死聞授承勳汝州防禦使史未書光遠死事通鑑目錄時契丹主至屯元氏詔諸軍稍卻因恟懼擾亂退屯相州而還史亦未載

八年春正月庚子分兵攻邢洺磁三州

方輿紀要云邢州古鉅鹿

郡宋為宣德府洺州即今廣平府磁州在彰德府北

七十里攷異輿地廣記云邢州春秋為邢國秦屬鉅

鹿邯鄲郡張耳石勒都焉後魏為鉅鹿郡梁升保義軍後

後為襄國郡唐為邢州又改鉅鹿郡鄆郡漢為廣

唐為安國軍今縣入龍岡沙河鉅鹿平鄉內邱堯山

南和任縣洺州春秋為赤狄有秦屬邯鄲郡漢為廣

平國魏置廣平郡後周立洺州唐曰廣殺掠殆盡入

平郡縣五永年肥鄉平恩雞澤曲周

鄴都境攷異歐史云時契丹見大桑木罵曰吾知紫

之張從恩太原馬全節字大雅安審琦兵悉陳於相

州安陽水之南在方輿紀要云相州今彰德府安陽水

攷異續通考云安陽水源自故洹水縣東至林慮山

慮安陽二縣屢伏屢見東經永和鎮入衛河皇甫

遇與濮州在東昌府西南二百里攷異輿地廣記云

郡唐為濮州今縣四刺史慕容彥超吐谷渾部人漢

鄆城雷澤臨濮范縣

將千騎來覘國兵至鄴都遇國兵數萬且戰且卻至

榆林店

在臨漳縣西南四十里

國兵繼至遇與彥超力戰百餘

台遇馬步戰審琦引騎兵踰水以救國兵乃還

攷異

歐史云遇馬中箭踏得僕杜知敏馬乘之知敏被擒復與彥超躍馬入陣取之而還方與紀要云晉軍初陣於安陽水南旣而東趨黎陽留步卒五百守安陽橋知相州符彥倫召入乘城爲備至曙契丹數萬騎陣於安陽水北所載稍異通鑑云時遼主在邯鄲聞兵敗卽北遁馬全節請徑襲幽州晉主乃徵兵諸道下詔親征發大梁至澶州諸軍北上知遠嘆曰中國疲弊自守不足乃橫挑強胡勝之猶有後慮況不勝乎史未言二月圍魏晉將杜重威來救攷異賈緯備北遁事子心變通欵耶律氏請爲前導因促騎說威引軍沿滹沱水援常山至真定東垣渡與威通謀遣步卒跨水不之救致敗

戊子晉將折從阮取滕州

攷異通鑑作勝州從阮本名從遠字

可久雲中人避漢高祖諱改名三月戊戌拔邠州唐末置今屬保定府殺其刺

史沈斌字安時徐州下邳人攻異薛史云契丹自恒

通鑑云延壽攻邠勸斌降斌曰侍中父子失計陷身

虜廷忍殘父母之邦不自愧恥更有驕色何哉斌力

盡矢折甯爲國家死爾終不效公庚戌杜重威李守

所爲明日城破斌自殺所載較詳

貞攻泰州攻異歐史云馬全節克泰州虜二千餘人

等降泰州取蒲城遂城所載各異泰州遼置晉爲保

州今保定府樂史太平寰宇記云保州理清苑縣本

莫州清苑縣地契丹號泰州與地廣記云保州五代

分莫州置今升保寨軍後爲保州又曰清苑郡縣一

保秦戊午趙延壽率前鋒薄秦城己未重威守貞引兵

南遁追至陽城大敗之復以步卒爲方陣來拒與戰

二十餘合壬戌復搏戰十餘里癸亥圍晉兵於白團

衛村

在故陽城南二十里攷異蘇逢吉等漢高祖晉實錄作白檀實正固等晉少帝實錄與史同

軍下鹿角爲營是夕大風至曙命鐵鶴軍下馬拔其鹿角奮短兵入擊順風縱火揚塵以助其勢晉軍大呼曰都招討何不用兵令士卒徒死諸將皆奮出戰張彥澤藥元福皇甫遇出兵大戰諸將繼至國兵卻數百步風益甚晝晦如夜符彥卿以萬騎橫擊國兵步卒並進國兵不利帝乘奚車退十餘里晉追兵急獲一橐駝乘之乃歸晉兵退保定州

攷異通鑑云遼主遁諸將追擊

杜威揚言曰逢賊幸不死更索衣糧耶守貞曰人馬渴甚得水足重難以追寇乃保定州晉主還大梁薛史云陽城之戰彥澤功爲最是月易州奏郎山寨將孫方簡破契丹千人斬嘉哩相公虜其妻以獻收滿

城獲首領默時相公及兵二千歐史嘉哩作諸里云

馬全節初破白團城虜七百人及副重威為招討大

敗契丹於衛夏四月甲申還次南京杖戰不力者各

數百攷異王仁裕奉使過鄭見僕射村鄉人多插錯彩

小旗於賊中云係夢李衛公所教後果存活甚多陳

州一婦人為賊帥號白項鴉見戎王拜懷化將軍使

招輯山東前後殺夫數十人後為彥卿所殺趙延壽

嘗問之自言能左右射被雙鏃日可行三百里盤矛

擊劍皆所長也彥卿姓馮六月辛亥趙延壽奏晉

官兖州刺史史均未載

兵襲高陽縣名在安州南四十里縣東有高陽關戊將擊走之秋七月

乙卯晉遣孟守中奉表請和仍以前事答之攷異歐史謂遣

開封府軍將張暉契丹國志作張徽通鑑云維翰屢

勸晉主求和紆國急主自陽城捷謂天下無虞驕侈

益甚維翰諫不聽委政馮后兄玉拜趙瑩中書令李

崧樞密使罷維翰尹開封遂稱足疾辭位適杜威自

恒州入朝維翰勸
慶之弗許卒誤國

九年夏五月庚戌晉易州成將孫方簡請內附

歐史

作方諫莫州清苑人通鑑云天雄軍將劉延翰市馬
於邊方簡執之獻於遼尋逃歸言方簡欲乘中國凶
饑引遼南侵宜爲備方簡時爲定州指揮使中山志
云中山西北二百里有狼山地連常山山谷深險方
簡兄弟依阻其地托言孫姓尼深意族人以佛法誘
民晉以爲游奕使因所求不得乃北通契丹見歐史
綱目書六月契丹入晉定州李燕長編云建隆二年
八月義武節度平章事孫行友在鎮逾八年而狼山
妖尼深意黨益甚上初卽位行友謀叛都監葉繼能
密表其事命武懷節龔定州令舉族歸朝行友禁錮
尼焚屍弟方進姪全輝皆釋之王溥五代會要云登
州縣有銅佛像四磁佛像十自地湧出潛研堂金石
文跋尾云右易州興國寺太子誕聖邑碑沙門方僞
撰文范陽逸士張雲書太子誕聖邑者干人之邑名
以四月八日誦經禮佛而名之也遼史禮志二月八
日爲悉達太子生辰京府及諸州雕木爲像儀仗百

遼史紀事本末

卷十一

夫

鼓導從循城爲樂契丹國志作四月八日此碑亦以
四月八日爲誕聖之辰則禮志所稱誤矣然金史海
陵紀有禁二月八日迎佛之文知當時固有以二月
爲佛生辰者非後人轉寫之誤也碑末列銜者都維
那右監門大將軍知易州軍州事兼沿邊巡檢安撫
屯田勸農等使耶律遷朝散大夫尙書左司郎中通
判軍州事賜紫金魚袋武騎尉楊舉直朝散大夫尙
書比部郎中知易縣事飛騎尉借紫劉倨妻李氏儒
林郎試大理司直守司戶參軍借紫劉倨妻李氏儒
試太子校書郎守司候參軍雲騎尉李師仲承務郎
試太子校書郎守易縣主簿兼知縣尉宋公綸將仕
郎守國子直講官學黃溫仁儒林郎守太子校書郎
雲騎尉知律劉詠軍事判官文林郎試太子校書郎
魯去華都孔目官文林郎試太子校書郎武騎尉周
師安左都押衙李照右都押衙王文信知客石恩副
知張存知衙韓安安撫押司官楊師言印官韓仁銓
前行曹拱溫後行劉世宣州司呈押田深書表馮仁詮
印官何閏前行孫世卿前行石惠司候司典曹福本
典王恩皆州之官吏也遼史百官志南面方州官州
有刺史縣有令而碑所載知軍州事通判軍州事知

縣事之名史皆失書蓋遼之官制多雜采唐宋之名志以爲大略采用唐制者猶未甚核故特標而出之俾後之言官制者有所攷焉

秋七月辛亥詔徵諸道兵八月帝

自將南侵九月壬辰閱諸道兵於漁陽棗林淀張彥

澤來侵趙延壽與戰於定州敗之攻異通鑑云劉知遠敗契丹於揚武

谷斬首七千級歐史云辛丑馬軍排陣使張彥澤及

契丹戰於新興敗之癸卯劉知遠及契丹戰於朔州

敗之薛史云時知遠奏誅吐渾大酋白承福白鐵匱

赫連海龍等并夷其族凡四百口蓋利其孳畜財寶

人皆寃之王溥五代會要云時承福馭下無法其子

族白可久率本帳奔契丹授官令潛誘承福叛允之

事覺被誅令別部長王義宗統其餘屬所載各異

冬十月戊子朔進圍鎮

州丙申先鋒候騎報晉兵至遣精兵斷河橋晉兵退

保武強南院大王達年攻異宏簡錄作迪輦將軍高模翰攻異歐史

通鑑紀事本末 卷十一 七

作高
牟翰
分兵由瀛州
與地廣記云後漢爲河間郡晉置瀛州隋唐因之今

開河間府瀛海軍
縣二河間樂壽
間道以進杜重威遣貝州節度使

梁漢璋率衆來拒與戰大敗之殺漢璋
攷異薛史云

河上曾遣邊將遣書延壽勸令歸國報命依違至是

威遣洛州刺史趙行實賚書往行實會事延壽答書

叙次悲切朝廷信之通鑑作馮玉李崧使威致書答

書乞接應并使劉延祚遣王巒書請舉瀛州內附巒

與杜威屢奏瀛州可取深州刺史慕容遷獻瀛莫圖

馮玉李崧信爲然遂命伐遼至瀛州漢璋戰死威等

遠歐史云高牟翰以瀛州詐降重威至牟翰空城去
漢璋追牟翰戰死重威退屯武強出帝紀但書漢璋
敗績未言其杜重威張彥澤引兵據中渡橋趙延壽
死所載各異
以步卒前導高彥溫以騎兵乘之追奔逐北殪屍數
萬斬其將王清
字去瑕洛州曲周人
宋彥筠
滑州人
赴水死
攷異通鑑

云晉遼夾滹沱而軍晉軍爭橋不勝威遣王清宋彦筠俱進彦溫戰敗浮水抵橋得免清力戰至暮不息契丹以生兵繼之清及士卒皆死彦筠後與威等降冊府元龜亦謂彦筠退走清戰死陶岳五代史補載漢乾祐中彦筠爲鄭州節度使則是時之未死明矣史因墮水而誤趙延壽傳王清作王靖薛史云清初從重威戰陽城功居最授檢校司徒至是謂其下曰上將握兵坐觀困急而不救必有異志吾輩當以死報國衆感其言莫有遇者至暮盡戰死漢贈清太傅所載較詳重威等退保中渡寨義武節度使李殷以城降遂進兵夾滹沱而營去中渡寨三里分兵圍之夜則列騎環守晝則出兵抄掠復命大內特哩袞原作耶律舒庫爾異列傳作碩格一作朔古字穆克德橫帳孟父房後疑係一人事迹亦同及趙延壽分兵圍守自將騎卒夜渡河出其後攻下樂城降騎卒數千分遣

將士據其要害下令軍中預備軍食三日不得舉烟

火但獲晉人則黥而縱之諸饋運見者皆棄而走於

是晉軍內外隔絕攻異通鑑云威以貴戚爲上將禁

日置酒作樂罕議軍事守貞受賂薦威可任晉主倚

以制敵李穀勸其作浮橋夜擊敵營與恒州合勢敵

必遁不聽穀乃密奏大軍危急狀請幸滑州詔發河

北兵赴援所在鼎沸威使告急被獲聲問不通維翰

以危在旦夕求見言事帝方在苑中調鷹辭不見退

謂所親曰晉氏不血食矣帝欲親征李彥韜諫而止

薛史云詔高行周爲都部署符彥卿副之方

太爲都虞候守扼津要穀字惟陰汝陰人十二月

丙寅杜重威李守貞張彥澤等率所部二十萬衆來

降帝擁數萬騎臨大阜立馬以受之授重威守太傅

鄴都留守守貞天平節度使餘各領舊職分降卒半

付重威半以執延壽

攷異通鑑云威潛遣腹心詣契丹牙帳求重賞主許以帝中國

結之威喜出降表令諸將署名皆駭愕等聽命使軍

土釋甲皆憤哭聲振原野主遣延壽衣赭袍撫慰威

等迎謁馬首亦以赭袍衣威遂引兵至恒代皆降之

惟易川郭璘固守被殺薛史云威令中門使高勳齎

降表送敵帳是日有大霧起幕上後重威及子宏璋

宏齊宏璉全日誅惟宏璉存官陳州刺史按威係歸

漢後為蘇逢吉等譖殺磔其父子尸市人爭啖其肉

守貞亦叛漢為郭威破與妻子自焚子崇玉送汴磔

於市亦見通鑑命御史大夫嘉哩監軍富珠哩原作傅柱兒

傳住兒張彥澤持詔入汴諭晉帝母李氏以安其意

官都監

攷異歐史云時德光遣晉太后書曰吾有梳頭妮子

竊一藥囊來奔今在否戰陽城時亡奚車十乘今在

否后得書召桑維翰景延廣先來騎兵千人守魏自

乃稍安

率諸軍而南攷異薛史云重威降兵過鎮州臨城呼

節度王周諭降泣曰受國厚恩不能死

一

戰而以兵降何面南行見人主與士大夫乎乃痛飲
欲引決爲家人阻徙鄧州入漢改鎮徐州卒十二月
十二日德光入鎮州大犒將士十四日南行中渡降
卒所釋甲仗百萬計並令於鎮州收貯戰馬數萬匹
長驅而北通鑑云威降皇甫遇初不預謀至是欲使
遇將兵入大梁解曰吾爲將相敗不能死忍復圖其
主乎行至平棘
扼吭死紀未載
王申嘉哩等至汴晉帝素服拜命與

母李氏奉表請罪

城中大擾帝於宮中起火驅後宮

十餘人將赴火爲親軍將平城薛超所坐苑中與
后妃聚泣召范質草降表質字文秀大名宗城人長
編作字城人薛史載晉帝降表畧云天降鞠凶先君
卽世臣遵承遺旨續紹前基諒闇之初荒迷失次軍
國大事皆委重臣至於擅繼宗祧既非稟命輕發文
字輒敢抗尊自取釁端果貽赫怒禍至神惑運盡天
亡十萬師徒皆望風而束手億兆黎庶悉延頸以歸
心臣負義包羞偷生忍恥自貽顛覆上累祖宗偷度
朝昏苟存視息翁皇帝若惠顧疇昔稍霽雷霆未賜
靈誅不絕先祀則百口荷更生之德一門銜無報之

恩雖所願焉非敢望也又李后降表云伏蒙皇帝降
書安撫者妾伏念先皇帝頃在并汾適逢屯難危同
累卵急若倒懸智勇俱窮朝夕不保皇帝阿翁發自
冀北親抵河東跋履山川踰越險阻立平巨孽遂定
中原救石氏之覆亡立晉朝之社稷不幸先皇厭代
嗣子承祚不能繼好息民而反虧恩辜義兵戈屢動
駟馬難追戚實自貽咎將誰執今穹昊震怒中外攜
離上將牽羊六師解甲妾舉宗負釁視景偷生惶惑
之中撫問斯至明宣恩旨曲示含容慰諭丁甯神爽
飛越豈謂已垂之命忽蒙更生之恩省罪責躬九死
未報今遣孫男請罪陳謝以聞德光報曰可無憂管
取一噉飯處通濫謂帝賜晉主手詔且使解里謂卿
勿憂必使汝有噉飯所帝心稍安王仁裕玉堂閒話
云時有婦人儀狀甚美腿足以下如截而齊父載以
車南游都市到處乞丐人皆擲而施之後北京城獲
北戎問謀始知爲姦人領袖所伺察甚多遂戮之
初晉帝絕和好維翰數諫弗從至是彥澤殺之紿言
自經死詔收葬之復其田園第宅仍厚恤其家

攷異
歐史

云德光遺書令維翰延廣先來帝以維翰先曾諫背盟不欲令其見德光使彦澤圖之彦澤因利其貨產見卽流汗故縊殺之陶岳五代史補云縊時噓氣再三火光赫然火滅就斃續前定錄云維翰幼與宋齊邱游五老峰有老叟謂公等皆可將相惜不令終後皆然王仁裕玉堂閒話云維翰尹開封日嘗中夜獨坐正寢忽大驚悸如有見向空厲聲曰汝焉敢來此如是者數四未幾夢整衣冠嚴車騎將有所詣忽馬亡去追尋莫見醒而惡之未幾及難通鑑彦澤踞坐召維翰維翰責之曰去年拔公於罪人之中領大鎮授兵權乃負恩至此彦澤無以應是夕殺之中書舍人李濤前請誅彦澤至是投刺往謁抗辨不屈命酒飲之引滿而去薛史云維翰實一時英傑二子皆有名位并載其爲子讓官事又云濤自書門狀曰上書請殺太尉人李濤隨狀納命又爲伶人詞曰太尉既相恕何不將壓驚絹來問自若唐末見聞錄作濤謁周高甲戌彦澤遷晉帝及其母若妻於開封府署以祖事

控鶴指揮使李榮督兵衛之主午次赤岡晉帝舉族

出封邱門橐索牽羊以待帝不忍臨視命改館封禪

寺攷異薛史云孟承誨怙寵背恩少帝告彥澤捕殺

與曰此非帝所有也使詣李崧求酒辭曰臣有酒非

敢愛惜慮陛下杯酌之後憂躁別有李崧作李筠陶

進王鳴盛十七史商榷云歐史別本李崧作李筠陶

穀清與錄云少主志於富貴纔進姓名即問幾錢拜

官賜職出於談笑幸臣私號爲容易郎君范質五代

通錄云戎王不與帝相見實正固等少帝實錄云帝

舉族待罪於野酋長面諭之遣向封禪寺歐史彥澤

傳云時帝欲郊迎彥澤不聽遣問德光曰天無二日

豈有兩天子相見於道路耶乃止所載各別帝姑烏

氏公主賂門者得入與帝決歸第自盡按厲鶚云據

通鑑謂有司欲使帝銜璧牽羊大臣輿觀迎郊外先

具儀注白戎主不許參之遼史仍用牽羊之禮但
未銜璧輿觀耳諸書所載晉百官縞衣紗帽俯伏待
年月不同當由傳聞之誤
罪帝曰其主負恩其臣何罪命領職如故卽授安叔

千金吾衛上將軍叔千出班獨立帝曰汝邢州之請

朕所不忘乃加鎮國節度使蓋在邢嘗密請內附也

叔干沙陀部人字允宗號沒字碑入漢以太子太師

致仕周兵入京掠其家貲楚傷重歸洛卒見新舊

五代史東都事畧云初符彥卿大敗契丹於陽城車

帳兵械悉爲所獲至是主責之對曰臣事晉不敢愛

死今日惟命主笑而釋之紀未載李燾長編云契丹

自陽城之敗尤畏彥卿或馬病不能載必唾而咒曰

是豈有符王耶迨滅晉北歸耶律后問曰彥卿安在

或對曰在徐州后曰不與彥卿來何失策之甚也其

女爲宋晉王匡義汝南郡夫將軍康祥執景延廣來

人仕宋至中書令封魏王

獻詔以牙籌數其罪凡八繫送都道自殺攷異通鑑云主至相

州遣兵捕延廣於河陽往見封邱語之曰致兩主失

歡皆汝所爲十萬橫磨劍安在使喬榮面質至入事

乃伏地請死遂鎖送歸國宿陳橋扼吭死陳

橋驛名今爲鎮在祥符縣東北所載較詳

大同元年春正月丁亥朔備法駕

攷異儀衛志云澆

遷徙則有羶車任載有大車婦人乘馬亦有小車貴

官加以華飾制有國輿漢輿之別國輿中有大輿柴

冊再生儀載神主見之總蠹車駕以御駝祭山儀見

之青輶車二螭頭蓋部皆飾以銀螭頭以銀駝公主下嫁

以贈之送終車樓純飾以錦螭頭以銀駝下懸鐸後

垂大羶駕以牛上載羊一謂之祭羊以擬送終之用

亦賜公主有椅禮志曰肩輿皇帝乘椅自便殿舉至

西便門冊皇太后儀見之鞍馬祭山儀見之至漢輿

則自會同元年晉使馮道劉昫等備車輅法物上皇

帝太后尊號冊禮自此天子車服昉見於遼太平中

行漢冊禮乘黃令陳車輅尚輦奉御陳輿輦盛唐輦

輅盡在遼廷矣五輅玉輅祀天地享宗廟朝賀納后

用之金輅饗射祀還飲至用之象輅行道用之革輅

巡狩武事用之木輅田制用之車制小於輅小事乘

之內耕根車耕籍所用安車即進賢車臨幸所用四

望車即明遠車拜陵臨弔所用涼車省方及罷獵並

用輦用人挽本宮中所乘有大輦鳳輦大輦芳輦遊輦

小輦芳輦大輦中乘有大輦鳳輦大輦芳輦遊輦

車之別與以人肩之天子用講絡入汴攷異陶穀清

臂綰有腰輿小輿之制所載甚詳入汴異錄云德光

入汴春日聞杜鵑聲問李崧是何物崧曰杜鵑杜甫

詩曰西川有杜鵑東川無杜鵑涪萬無杜鵑雲安有杜甫

杜鵑京洛亦有之德光曰許大一個世界任御崇元杜甫

他飛禽揀擇佛經中所謂觀自在也史未載御崇元

殿受百官賀戊子以樞密副使劉敏攷異通鑑權知

開封府殺秦繼旻李彥紳及鄭州古鄭國亦曰滎陽

日奉甯軍領縣四攷異輿地廣記云本祝融故墟鄭宋

武公都焉韓滅鄭亦都之漢魏屬河南郡晉爲滎陽鄭

郡東魏爲廣武郡後因置鄭州隋曰管州唐自虎牢武

移鄭州治此今建爲西輔縣六管城滎陽新鄭原武武

密縣防禦使楊承勳以其弟承信爲平盧節度使襲武

父爵以承勳殺判官邱濤及弟承祚等劫父歸晉故武

也攷異薛史云晉以楊承祚爲右驍騎衛將軍承信武

爲右羽林將軍皆光遠子未嘗被殺所殺者尙奪武

牙是白延祚楊瞻杜延壽等詔誅叛黨張萬廸其餘
楊廉正逸徐晏流竄所載不合歐史於光遠傳謂承
祚爲單州刺史而本紀書齊州
刺史互異見吳縝五代史纂誤
己丑以張彥澤擅徙

晉帝開封殺維翰縱兵大掠不道斬之於市晉人鬻

食之立盡

攷異薛史云彥澤本突厥種目睛黃夜有
光顧視若鸞獸鎮彰義慘殺幕僚張式爲

李濤等所劾與問門使高勳不協乘醉至其門害其
仲父季弟暴屍門外時獲罪人只豎三指卽斷要領
又劫取延煦母楚國夫人丁氏東都事略云李處耘
時向幼遇彥澤之暴善射獨當里門殺數十人里中
賴之通鑑云時所居寶貨山積旗幟題赤心爲主日
恣殺戮士民不寒而慄動訴於主百姓亦投牒控其
罪遂斬彥澤及傅柱兒於市命勳監刑剖心以
祭死者市人破腦取髓并鬻食之所載較詳
辛卯
降晉帝爲崇祿
攷異薛史作光祿
史避太宗諱改
大夫封負義侯癸

已以張礪爲平章事晉李崧爲樞密使

歐史云時延
壽稱崧一人

拜太子太師主曰吾破南朝得崧一馮道守太傅史

人道入朝德光責之不能對曰無城無兵安敢不來

謂其是何等老子曰無才無德癡頑老子嘗問曰天

下百姓如何救得曰此時佛去救不得惟皇帝救得

謂爲一言之善後入漢以太師奉朝請劉繼勳傳德

光入汴責繼勳爲晉出帝謀絕兩朝之好繼勳諉之

道德光曰此老子不是好開人毋相引史均未載

和嶷爲翰林學士攷異薛史云嶷與礪同爲宰相孫

於汴洛洎入相卽毀之契丹入夷餘拜官有差薛史

門號爲曲子相公又見謔名錄不改職以目疾乞休

云劉昫以平章判三司契丹至不改職以目疾乞休

授太保卒於東京通鑑目錄命孔知濟爲滑州節度

使通鑑云或告磁州刺史李穀謀舉州應漢主執而

詰之穀不服主引手於車中若取所獲文書者穀知

其詐請曰必有其驗乞顯示之凡六詰詞氣不屈乃

釋之李昉太平御覽引周史時北遷者尙有徐台符

仕晉爲翰林學士中書舍人初從戎帳至薊門及戎

人內潰乃窺身南歸台符所乘馬好嘶鳴及自敵中

逃回經馬羣若自箝其口迨行至

癸卯遣趙瑩

攷異薛史

漢地鳴如故人以為積善所致

云周廣順初使田敏如契丹遇瑩於幽州悲懷不已

及被疾乞歸骨南方乃遣曹繼翰及子易從護喪還

葬贈太傅子易則先留仕周為馮玉字景臣定州人

刑部郎中太祖命以舊第歸之馮玉歐史云玉為相

積賞鉅萬彥澤兵先入其家一夕盡見彥澤猶請持

晉玉璽獻契丹不納授太子太保後子傑逃歸中國

以憂死李彥韜將三百騎送負義侯及其母李氏太

妃安氏妻馮氏弟重睿子延煦延寶等於黃龍府

攷異

通鑑謂即慕容氏所築和龍城通鑑輯覽云渤海扶

餘府太祖所置在混同江非和龍也故城在今奉天

府開原縣續通考云時晉安重威與安太妃同宗出

帝事以為舅重威未嘗自言及卒太妃臨哭人始知

之當時益安置以宦官宮女百餘人從

攷異薛史云初帝遇四方

稱其謹重貢獻器皿多以銀於外府易金而入曰金者貴而且

輕便於人力識者以為北遷之兆通鑑云時劉知遠

意起已事本末

卷十一

百

自將追故主至高陽關已過數日乃留兵戍承天軍
而遺晉主在途供饋不繼或至絕食舊臣無敢進謁
者獨磁州刺史李穀迎謁對泣且曰臣無狀負陛下
因傾貲獻主至中渡橋見威素嘆曰天乎我家何負
爲此賊所破慟哭去迨至幽州傾城士女來觀見帝
慘沮無不嗟嘆駐留旬餘州將承契丹命犒帝於府
署趙延壽母以食饌來獻契丹國志云至錦州迫拜
太祖像呼曰薛超僕我馮后求毒藥欲俱自殺不果
陶穀清異錄云主至孟津一古寺遺所張紫羅傘五
層疊梁仍泥金作盤花但朱柄折耳歐史云馮后爲
重允妻寡居有美色出帝居喪納爲后預政專寵契
丹暴其罪曰納叔母於中宮亂人倫之大典按重允
本高祖弟養以爲子周密齊東野語云少帝事歐史
多本王淑之幽懿錄淑之小吏家爲帝所殺詞多不
實然攷舊史均無是說其妄可知周輝北轅錄云至
東都未抵城二三里車夫指一土岡云是名愁臺乃
晉少帝北狩之路江萬里宣政雜錄云徽宗北狩經
蘄縣梁魚務有還鄉橋石少主命名至今呼之阮閱
詩話總龜云幽薊數州自石晉敗戎後懷中華不已
有使北者見燕京傳舍畫墨鴉甚精旁題詩曰星稀

卷之四 范質撰晉

徒建州凡十八年卒宋乾德二年也五代通錄亦質

撰六十五卷漢諫議大夫賈緯備史六卷叙晉亂一

事為一詩系之又五代春秋一卷尹洙撰五朝春秋

院學士孫冲撰三月丙戌朔以蕭翰為宣武節度使壬寅晉

諸司僚吏嬪御宦寺方技百工圖籍厯象石經攷異錢大

昕云劉彥宗傳太宗載路車法物石經以歸按漢魏

之石經在洛陽唐之石經在京兆汴都無石經也汴

都石經宋嘉祐所刻在遼入汴以後彥宗銅人明堂

所云殊不足信或云石經當是石鼓之訛

刻漏太常樂譜諸宮懸鹵簿法物及鎧仗悉送上京

攷異歐史云晉初命崔悅等定文武二舞正且奏於
庭而登歌發聲悲離煩慙如薤露虞殯之音舞不應
節其年高祖崩開運中陶穀請廢二舞未幾契丹滅
晉悉入北廷聞者流涕樂志云漢後相承雅樂有古

頌有古大雅遼闕郊廟禮無頌樂大同元年太宗自
汴還得晉太常樂譜宮懸樂架悉送中京又自漢以
來因秦楚之聲置樂府至隋高祖求知音者鄭譯得
西域龜茲人白蘇祇婆善胡琵琶而翻七旦之聲求
合七音八十四調之說由是雅俗之樂皆此聲矣用
之朝廷別於雅樂者曰大樂晉高祖使馮道等如契
丹行冊禮其聲器工官與法駕同歸於遼至大樂器
本唐太宗七德九功之樂武后廢之樂舞遂亡自後
宗廟用隋文武二舞高宗作景雲樂元會奏之遼代
大樂晉代所傳雜禮雖見坐部樂工百二十人蓋亦
以景雲之樂工充坐部其坐立部樂自唐已亡可考
者惟景雲四部樂舞而已又正月朔日朝賀用宮懸
雅樂元會用大樂曲破後用散樂角觥終之是夜帝
燕飲用國樂散樂自殷人作靡靡之音流為鄭衛秦
楚聲作而鄭衛亡漢李延年作靡靡之音流為鄭衛秦
今之散樂俳優歌舞雜進有漢樂府遺聲晉天福三
年遣劉昫以伶官來歸遼有散樂始此若鼓吹樂橫
吹樂皆為軍樂自四品以上皆有增損自周衰秦代
雅聲遂亡漢唐之盛文事多西音是為大樂散樂武
事皆北音是為鼓吹橫吹雅樂在者其器雅其音亦

西云續通考云散樂以三音該三才之義四聲調四
時之氣應十二管之數截竹爲四竅之笛以叶聲音
而被之管絃三音天音揚地音抑人音中皆有聲無
文四時春聲平夏聲上秋聲去冬聲入史稱遼聖宗
與宗咸通音律聲氣歌辭舞節徵諸太常儀鳳教坊
不可得矣初梁改唐十二和樂爲九慶樂後唐建唐
宗廟仍用十二和樂晉改爲十二同樂遼初用唐十
二和樂而雜禮出入奏隆安太子行奏貞安是遼又
嘗改樂名矣至入音器數皆因唐舊其大樂有七聲
曰七旦一婆力平聲二雜識長聲三沙識質直聲四
沙侯加聲五沙臘皆應聲六般瞻五聲七俟利籥
斛先聲自隋以來樂府取其聲四旦二十八調爲大
樂不用黍律以琵琶抄叶之皆從濁至清迭更其聲
下益濁上益清七七四十九調餘二十一調失其傳
蓋出九部樂之龜茲部焉沈德符野獲編云遼史樂
志大樂有七聲曰七旦凡一音管一調如中宮越調
大食中呂之屬此外又有四旦二十八調不用黍律
以琵琶叶之按此卽今九宮譜之始且卽司樂之總
名故金元遂命歌妓領之因作雜劇否則以優之少
者充漸遠而失其真耳攷宋樂書云黃鐘用合字大

呂大簇用四字夾鐘姑洗用一字夷則南呂用工字
無射應鐘用凡字中呂用上字蕤賓用句字林鐘用
尺字黃鐘清用六字大呂夾鐘清用五字又有陰陽
一五牛陽之分而遼世大樂聲各調之中度曲協音
其律凡十曰五凡工尺上一四六句合近十二雅律
於律呂各闕其一以爲猶雅音之木及商也可見宋
遼此調已所歸順七十六處得戶一百九萬百一十
爲之祖八攻異陸游南唐書云初韓熙載上疏曰陛下有經
營天下之志今其時矣若戎主遁歸中原有主則
不可圖不省嗣聞契丹北歸詔曰乃眷中原我之故
地以李金全爲北面行營招討使及聞漢入汴兵遂
不出而金全猶不罷金全吐谷渾部人驍勇善騎射
仕唐官龍武節度歸晉徙鎮安州降南唐領義成節
度兼侍中卒贈中書令諡曰簡順馬令南唐書云保
大五年契丹使來告曰晉少主逆命背約自貽廢黜
吾主欲與唐繼先世之好將冊命唐爲中原主帝命
辭之遣兵部侍郎賈譚報聘帝嘆曰閩役僊矣其能
抗衡中國乎按保大五年春三月契丹開運四年也陳霆唐
餘紀傳云保大五年春三月契丹滅晉來告捷且請

會盟於境上辭不赴遣使報聘并請差官如長安修
奉唐帝諸陵契丹不許龍衮袞江南野史云時中原無
主寇盜縱橫嗣主自嘆不能出師恢復
土宇而勞師海隅爲先代之罪人云

遼史紀事本末卷十一